



東坡集卷第十

詩七十一首

寄蘄簞與濟傳正

蘭溪美箭不成笛離離不
 二筋排霜脊千溝萬
 入手未開先慄慄公家列
 蓬開蛾眉珠簾不動花
 霧帳銀林初破睡牙籤玉
 局坐彈碁東坡病叟長
 東卧飢吟似飢鼠倚頽春
 風洗破衾一夜雪寒被
 太冷豈青誰復知孤舟
 女自憂呶皇天何時及
 愧此八尺黃琉璃願公
 掃清香閣卧聽風漪聲
 習還從兩腋生請公乘
 此朝閣閣

寄惟石石斛與名賢元翰

山骨裁方斛江珍拾淺池
清池上几案碎月落打盤老
去懷三友平生困一簞
堅一姿聊自傲秀色亦堪食
好去髯卿舍憑將道眼看東地
最後供霜雪照人寒

漁父四首

漁父飲誰家去魚蟹一時分
付酒無多少醉為期彼此
不論錢數

漁父醉蓑衣舞醉裏却尋歸路
輕舟短棹任斜橫醒後
事知何處

漁父醒春江午夢斷落花飛絮
酒醒還醉醉還醒一笑

人間今古

漁父笑輕鷗舉漠漠一江風雨
江邊騎馬是官人借我
孤舟南渡

李憲仲哀詞 并叙

同年友李君諱惇字憲仲賢而有文不幸早世軼不及
與之游也而識其子薦有年矣薦自陽翟見余於南京
泣曰吾祖母邊母馬前母張與君之喪皆未塋貧不敢
以飢寒為戚顧四喪未舉死不瞑目矣適會故人梁先
吉老聞余當歸耕陽羨以絹十匹絲百兩為贐詞之不
可乃以遺薦曰此亦仁人之醜也既又作詩以告知君

樂薦者庶幾皆有以助之焉年二十五其文燁然氣節不凡此豈終窮者哉

大夢行當覺百年特未滿遑哀已逝人長眠寄孤館念我同年生意長日月短監車困騏驎烈火廢主墳後生有奇骨出語已精悍蕭然野鶴姿誰復識中散有生寓大塊死者誰不窾嗟君獨久客不識黃土暖推衣助孝子一溉滋湯旱誰能脫左驂大事不可緩

贈眼醫王生彥若

鍼頭如麥芒氣出如車軸間關絡脉中性命寄毛粟而魂清淨眼內景含天燭琉璃貯沈瀆輕脆不任觸而子

於其間來往施鋒鏃笑談紛自若觀者頸為縮運鍼如運斤去翳如拆屋常疑子善幻他技雜符祝子言吾有道此理君未矚形骸一塵垢貴賤兩草木世人方重外矣見瓦與玉而我初不知刺眼如刺肉君看目與翳是翳要非目目翳苟二物易分如麥菽寧聞老農夫去草更傷穀鼻端有餘地肝膽分楚蜀吾於五輪間蕩蕩現空曲如行九軌道並驅無擊轂空花誰開落明月自照胸請問樂全堂忘年老尊宿

彥若樂全先生門下醫也

與歐育等六人飲酒

忽驚春色二分空且看樽前半丈紅苦戰知君便白羽

倦遊憐我憶黃封年來齒髮老未老此去江淮東復東
記取六人相會處引杯看劍坐生風

觀杭州鈴轄歐育刀劍戰袍

青綾納衫暖襯甲紅線勒巾光遠看先襟小袖鷓鴣藍
大刀長劍龍蛇挿兩軍鼓噪屋瓦墜紅塵白羽紛相戛
將軍恩重此身輕笑履鋒鏖如一指書生只肯坐帷幄
談笑毫端弄生殺叫呼擊鼓催上竿猛士應憐小兒黠
試問黃河夜偷渡掠面驚沙寒霎霎何如大艦日高眠
一枕清風過茗雲

王伯駁所藏趙昌畫四首

梅花

南行渡關山沙水清練練行人已愁絕日暮集微霰
殷勤小梅花鬢鬢吳姬面暗香隨我去回首驚千片至今
開畫圖老眼淒欲泣幽懷不可寫歸夢君家倩

黃葵

弱質困夏求竒姿蘇曉涼低昂黃金杯照耀初日光
心自成暈翠葉森有芒古來寫生人妙絕誰似昌晨粧
與午醉真態含陰陽君看此花枝中有風露香

芙蓉

清颺已拂林積水漸收潦谿邊野芙蓉花水相媚好坐

東坡集卷之十五
看池蓮盡獨伴霜菊
槁幽姿強一笑莫景迫摧倒淒涼
似貧女嫁晚驚衰早誰寫少年容
樵人劔南老

山茶

蕭蕭南山松黃葉墮勁風誰隣兒女花散火冰雪
中能傳歲寒姿古來惟丘翁趙叟得其妙一洗膠
粉空掌中調丹砂染此鶴頂紅何須誇落黑工獨
賞江南工

寄吳德仁兼簡陳季常

東坡先生無一錢十年家火燒凡鉛黃金可成河可塞
只有霜鬢無由玄龍丘居士亦可憐談空說有夜不

忽聞河東獅子吼拄杖落手心茫然誰似漢陽
賢飲酒食肉自得仙平生寓物不留物在家學得忘家
禪門前罷亞十頃田清溪遠屋花連天溪邊醉卧呼不
醒落花如雪春風顛我遊蘭溪訪清泉已辦布襪青衫
纏稽山不是無賀老我自興盡回酒船恨君不識顏平
原恨我不識元魯山銅駝陌上會相見握手一咲三十年

題王逸少帖

顛張醉素兩禿翁追逐世好稱書工何曾夢見王與鍾
妾自粉飾欺盲聾有如市倡持青紅妖歌嫚舞眩兒童

謝家夫人談丰容蕭然自有林下風天門蕩蕩驚跳龍
出林飛鳥一掃空為君草書續其終待我他日不忽忽

書林逋詩後

吳儂生長湖山曲呼吸湖光飲山渌不論世外隱君子
傭兒賤婦皆冰玉先生可是絕俗人神清骨冷無由俗
我不識君曾夢見瞳子瞭然光可燭遺篇妙字處處有
步繞西湖看不足詩如東野不言寒書似西臺差少肉
平生高節已難繼將死微言猶可錄自言不作封禪書
更肯悲吟白頭曲逋臨終詩云茂陵異日未
遺草猶喜初無封禪書我笑吳人
兼好事好作祠堂傍脩竹不然配食水仙王一盞寒泉

薦秋菊

和仲伯達

歸山歲月苦無多尚有丹砂奈老何繡谷只應花白
鏡潭長與月相磨君方傍海看初日我已橫江擊素波
人不我知斯我貴不須雷雨起龍梭

春日

鳴鳩乳燕寂無聲日射西窓潑眼明午醉醒來無一事
只將春睡賞春晴

贈素陟

是身如虛空萬物皆我儲胡為強分別百金買田廬不

見表夫子神馬載死與游於無何有一飯不顧餘官
為我池學舍為我居何以遺子孫此身自遽除薰風暗
楊柳秋水淨芙蓉應觀我知子不恠子知魚

蘇子容母陳夫人挽詞

蘇陳甥舅真冰玉正始風流起頽俗夫人高節稱其家
凜凜寒松映脩竹雞鳴為善日日新八十三年如一晨
豈惟家室宜壽母實與朝廷生異人忘軀徇國乃吾子
三仕何曾知愠喜不煩擁笏強垂魚我視去來皆夢耳
誦詩相挽真區區墓碑千字多遺餘他年太史取家傳
知有班昭續漢書

歸宜興留題竹西寺

十年歸夢寄西風此去真為田舍翁剩覓蜀岡新井水
要携鄉味過江東

道人勸飲雞蘇水童子能煎鴛粟湯暫借藤床與瓦
莫教孤負竹風涼

此生已覺都無事今歲仍逢大有年山寺歸來聞好語
野花啼鳥亦欣然

與孟震同遊常州僧舍

年來轉覺此生浮又作三吳浪漫遊忽見東平孟君子
夢中相對說黃州

湛湛清池五月寒
小山無數碧嶺巉
峴穉杉戢戢三千本
且作凌雲合抱看

知君此去便歸耕
笑指孤舟一葉輕
待向三茆乞靈雨
半篙流水贈君行

贈常州報恩長老

碧玉碗盛紅碼瑙
井花水養石苜蒲也
知法共無窮盡
試問禪師得飽無

薦福老懷真巧便
淨慈兩本更尖新
憑師為作鐵門限
準備人問請話人

次韻答賈耘老

去年一夢南司州
飢寒疾病為子憂
東來六月井無水
餘着古堰橫奔牛
平生管鮑我知子
今日陳蔡誰從在
夜航爭路泥水澁
牽挽直欲來瓜州
自言嗜酒得風痺
故鄉不敢居溫柔
空將况愛救溝壑
衰病不復從前樂
今年太守真卧龍
笑語炎天出冰雹
時低九尺蒼須髯
過我三間小池閣
故人改觀爭來賀
小兒不信猶疑錯
為君置酒飲且哦
草間秋蟲亦能歌
可憐老驥真老矣
無心更秣天山禾

墨花并叙

世多以墨畫山水竹石人物者
未有以畫花者也
沐人

尹白能之為賦一首

造物本無物忽然非所難
花心起墨暈春色散毫端
縹渺形纔具扶踈態自完
蓮風盡傾倒杏雨半披殘
獨有狂居士求為黑牡丹
兼書平子賦歸向雪堂看

送竹几與謝秀才

平生長物擾天真老去歸田只此身
留我同行木上坐贈君無語竹夫人
但隨秋扇年年在莫鬪瓊枝夜夜新
堪笑荒唐玉川子莫年家口若為親

溪陰堂

白水蒲時雙鷺下綠槐高處一蟬吟
酒醒門外三竿日

目清谿南十畝陰

次韻許遵

蒜山渡口挽歸艍朱雀橋邊看道裝
供帳已應煩百兩擊鮮無久溷諸郎
問禪時到長干寺載酒閑過綠野堂
此味只憂兒輩覺逢人休道北窓涼

贈章默并叙

章默居士字志明生公侯家才性高爽
棄家求道不畜妻子與世無累而父母
與兄之喪貧不能舉以是眷眷世間不能
無求於人余深哀其志既有以少助之又
取其言為詩以贈其行庶幾有哀之者

章子親未葬餘生抱羸疾朝吟噎隣里夜淚腐茵席前
年黑花生今歲白髮出身隨日月逝恨與天地畢願求
不毛田親築長夜室難從王孫裸未忍夏后聖五陵多
豪士百萬付一擲心知義財難甘就貧友乞不詞毛粟
施行自丘山積此志苟朝遂夕死真不戚哲言求無生理不
踐有為迹棄身屍阨林鳥鳥任狼籍

送穆越州

江海相忘十五年羨君松柏蔚蒼顏四朝耆舊水霜後
兩郡風流水石間舊政猶傳蜀父老先聲已振越溪山
樽前俱是蓬萊守莫放高樓雪月閑

贈葛常

竹椽茅屋半摧傾肯向蜂窠寄此生長恐波頭一室
欲將船尾載君行小詩試擬孟東野大草閑臨張伯英
消遣百年須底物故應憐我不歸耕

贈王寂

與君暫別不須嗟俯仰歸來鬢未華記取江南煙雨裏
青山斷處是君家

南都妙峯亭

千尋桂雲關十頃含風灣開門弄清泚照見雙銅鑲
臺半未黍桃李餘榛管無人肯回首日暮車班班

非世人心與古佛閑時邀聲利客來洗塵埃顏新亭在
東阜飛宇凌通闕古甍磨翠壁霜林散煙鬢孤雲抱
丘芳草連杏山俯仰盡法界道遙寄人寰亭亭妙高峰
了了蓬艾間五老壓彭蠡三峯照潼關均為拳石小配
此一掬慳煩公為標指免使勲躋攀

神宗皇帝挽詞三首

文武固天縱欽明又日新化民何止聖妙物獨稱神政
已三王上言皆六籍醇魏魏本無象刻畫愧孤臣
未場名堯德何須數舜功小心仍致孝餘事及平戎典
禮從周舊官儀與漢隆誰知本無作千古自承風

接統真千歲膺期止一章周南稍留滯宣室送淒涼
馬空嘶攪枯葵已泣霜餘生卧江海歸夢泣嵩邱

金山妙高臺

我欲乘飛車東訪赤松子蓬萊不可到弱水三萬里不
如金山去清風半帆耳中有妙高臺雲峰自孤起仰觀
初無路誰信平如砥臺中老比丘碧眼照窓几巉巖王
為骨凜凜霜入齒機鋒不可觸手偈如翻水何須尋德
雲即此比丘是長生未暇學請學長不死

贈杜介并序

元豐八年七月二十五日杜幾先自浙東還與余相遇

於金山話天台之異以詩贈之

我夢遊天台橫空石橋小松風吹尚露翠濕香娟娟應
真飛錫過絕澗度雲鳥舉意欲從之脩然已松杪微言
紫珠玉未說意先了覺來如墮空耿耿窓戶曉羣生陷
迷網獨達從古少杜叟子何人長歎萬物表妻孥空四
壁振策念輕矯遂為赤城游飛步凌縹眇問禪不歸舍
屢為瓢壺繞何人識此志佛眼自照燎我夢君見之卓
爾非魔燒仙葩發茗碗翦刻分葵蓼從今更不出閉戶
閑驪馬時從佛頂巖馳下雙蓮沼

次如孫莘老斗野亭寄子由在邵伯堰

落帆謝公湖日脚東西平孤亭得小憇莫景含餘清坐
待斗與牛錯落桂南薨老僧如夙昔一笑意已傾新詩
出故人舊事疑前生吾生七往來送老海上城逢人輒
自哂得魚不忍烹似聞續溪老復作東都行小詩如秋
菊艷艷霜中明過此感我言長篇發春榮

送楊傑并叙

無為子嘗奉使登太山絕頂鷄一鳴見日出又嘗以事
過華山重九日飲酒蓮花峯上今乃奉詔與高麗僧統
遊錢塘皆以王事而從方外之樂善哉未曾有也作是
詩以送之

天門夜上賓出日萬里紅波半天赤歸來平地看跳丸
一點黃金鑄秋橘大華峰頭作重九天風吹灑黃花酒
浩歌馳下腰帶鞋醉舞崩崖一揮手神遊八極萬緣虛
下視蚊雷隱汙渠大千一息八十返笑厲東海騎鯨魚
三韓王子西求法鑿齒彌天兩勅敵過江風急浪如山
寄語舟人好看客

次韻送徐大正

嘗與徐約上船於江淮間將赴登州同舟至山陽以詩見送番別

別時酒盞照燈花知我歸期漸有涯去歲渡江萍似斗
今年並海棗如瓜多情明月邀君共無價青山為我賒
手看新詩一竿竹不應空釣漢江槎

楊康功有石狀如醉道士為賦此詩

楚山固多猿青者點如壽化為狂道士山谷恣騰蹀躞
入華陽洞竊飲茆君酒君命囚巖間巖石為械扭松
絡其足藤蔓縛其肘蒼苔眯其目叢棘哽其口三年
為石堅瘦敵瓊玖無復號雲聲空餘舞杯手樵夫見之
笑抱賣易升斗揚公海中仙世俗那得友海邊逢姑射
一笑微俛首胡不載之歸用此頑且醜求詩紀其異未
未得細剖吾言豈妄云得之亡是叟

追作淮口遇風詩戲用其韻

我詩如病驥悲鳴向衰草有見真驥子一噴群馬倒養

氣勿吟哦聲名忘太早風濤借筆力勢逐孤雲掃何如
陶家兒遠舍覓梨棗君看押強韻已勝郊與島

次韻徐積

殺鷄未肯邀季路裹飯先須問子來但見中年隱槐市
豈知平日賦蘭臺海山入夢方東去風雨留人得暫陪
若說峨眉眼前是故鄉何處不堪回

元豐七年有詔京東淮南築高麗亭館密海三
州騷然有逃亡者明年軾過之歎其壯麗留一

絕云

層楹飛舞垣牆外桑柘蕭條斤斧餘盡賜昆耶作奴

不知償得此人無

過密州次韻趙明叔喬禹功

先生依舊廣文貧老守特遭醉尉嗔汝輩何曾堪一笑
吾儕相對復三人黃雞催曉淒涼曲白髮驚秋見在身
一別膠西舊朋友扁舟歸釣五湖春

再過常山和昔年留別詩

樞樓山前叟迎我如迎新那知夢幻軀念念非昔人江
湖久放浪朝市誰相親却尋泉源去桃花逢避秦

再過超然臺贈太守霍翔

昔飲零泉別常山天寒歲在龍蛇間山中兒童拍手笑

問我西去何當還十年不赴竹馬約扁舟獨與漁蓑關
重來父老喜我在扶挈老幼相遮攀當時襁褓皆七尺
而我安得留朱顏問今太守為誰歟護羌充國鬢未
期自言在熙河躬持牛酒勞行役無復杞菊朝寒慙
作屯田有功然置酒尋舊迹尚有詩賦饒堅頑孤雲落日在馬耳
耀金碧開煙鬟却淇自古北流水跳波下瀨鳴玦環
公談咲作石埭坐使城郭生溪灣

海市 并叙

予聞登州海市舊矣父老云常出於春夏今歲晚不復
見矣予到官五日而去以不見為恨禱於海神廣德王

之廟明日見焉乃作此詩

東方雲海空復空群仙出沒空明中蕩搖浮世生萬象
豈有具開歲珠宮心知所見嗜幻影敢以耳目煩神工
歲寒水冷天地閉為我起鰲鞭魚龍重樓翠阜出霜
異事驚倒百歲翁人間所得容力取世外無物誰為
率然有請不我拒信我人厄非天窮潮陽太守南遷歸
喜見石廩堆祝融自言正直動山鬼豈知造物哀龍鍾
信眉一笑豈易得神之報汝亦已豐斜陽萬里孤鳥沒
但見碧海磨青銅新詩綺語亦安用相與變滅隨東風

登州孫氏松堂

萬松誰種已樵樵半嶺蒼雲映此邦露重珠纓蒙翠蓋
風來石齒碎寒江浮空兩竹橫南閣倒景扶桑射北窻
坐待夕烽傳海嶠重城歸去踏逢逢

過萊州雪後望三山

東海如碧環西北卷登萊雲光與天色直到三山回我
行適冬仲薄雪收浮埃黃昏風絮定半夜扶桑開參差
太華頂出沒雲濤堆安期與羨門乘龍安在哉茂陵秋
風客勸爾麾一杯帝鄉不可期楚些招歸來

遺直坊并叙

當鄭公之客李君諱常登人也故太守李公諱師中榜

蘇轍曰遺直而其子大方求詩於軾為賦一首

使君不浪出羔鴈親扣門先生袒清坐薤水已
當時邦人化市無晨飲豚歲月曾幾何客主皆
曾經有餘歎楚此無歸魂我作遺直詩過者式其

次韻趙令鏢

東坡已報六年穰惆悵紅塵白首即松上溪山猶
見門前冠蓋已相望故人年少真瓊樹落筆風生
堵墻端向甕間尋吏部老來專以醉為鄉

次韻王定國得穎倅二首

仙風入骨已凌雲秋水為文不受塵一噫固應號地

籊籊波猶是掛天紳買牛但自捐三尺射鼠何勞挽
六鈞莫向百花潭上去醉翁不見與誰春
滔滔四海我知津每愧先生植杖芸自少多言晚聞
道從今閉口不論文灑翻白獸樽中酒歸煮青泥坊
底芹要識老僧無盡處床前牛蟻不曾聞

次韻趙令鑠惠酒

神山無石髓生世悲慙寓坐待玉膏流千載真且暮
青州老從事萑上非所部惠然肯見從知我憎市醑
關餅自洗盞看核誰與具門前聽剝啄烹魚得尺素

送范純粹守慶州

才大古難用論高常近迂君看趙魏老乃為滕大夫
靈無根蒂黃潦能瀕更知經幾歲成敗得見真賢愚
照城關談笑安邊隅當年老使君赤手降於菟諸郎更
何事折善鞭其難吾知鄧平叔不聞月支胡

次韻王震

文過我治平間霧豹當時始一斑聞道吹噓借餘論
教流落得生還清篇帶月來霜夜妙語先春發病癩
詩酒暮年猶足用竹林高會許時攀

次韻王定國謝韓子華過飲

是有孫叔敖長城隱千里哀哉練裙子負薪躡破履豈

無故交親逝去如覆水不如老優孟談笑託諧美世家
不可恃如倚折足几样符有賢相手握天下砥礪敏亦
名公三貴德爵齒蓋棺今幾日公子誰料理誰要卿精
理欲說且止止宅相開府公久為蒼生起如何垂老別
水盤餽蒼耳親嫌妨鴉薦相對發微泚新詩如彈丸脫
手不移匙我亦老賓客苦語落紈綺莫詞三上章有道
賈賤耻

惠崇春江曉景二首

竹外桃花一兩枝春江水暖鴨先知
蒹葭滿地蘆芽短正是河冰欲上時

兩兩歸鴻欲破群依依還似北歸人
遙知朔漠多風塵更待江南半月春

次韻周邠

南遷欲舉力田科三徑初成樂事多
豈意殘年踏朝市有如疲馬畏陵坡
羨君同甲心方壯笑我無聊鬢已皤
何日西湖尋舊賞淡煙疎雨暗漁蓑

次韻胡完夫

青山別淚尚攔班十載江湖困抱關
老去上書還北闕朝來拄笏望西山
相從盃酒形骸外大笑平生醉夢間
萬事會須浴伯始白頭容我占清閑

次韻錢穆父

老入明光踏舊班
染須那復唱陽關
故人飛上金鑾殿
遷客來從飯顆山
太筆推君西漢手
一言置我二劉間
便須置酒呼同舍
看賜飛龍出帝閑

再次韻荅完夫穆父

二公自言先世同在西掖

掖垣老吏識郎君
並轡天街兩絕塵
汗血固應生有種
夜光那復困無因
豈知西省深嚴地
也著東坡病瘦身
免使謫仙明月下
狂歌對影只三人

次韻荅蒲思復

白耳茅屋老三間
豈意彤庭綴兩班
紙落雲煙供醉後

詩成珠玉看朝還
誰言載酒山無賀
記取啼烏巷有顏
但恐跛牂隨赤驥
青雲飛步不容攀

東坡集卷第十五

東坡集卷第十六

詩八十八首

送戴蒙赴成都玉局觀將老焉

鶻遺被酒行歌處野梅官柳西郊路聞道華陽版籍中
至今尚有城南杜我欲歸尋萬里橋水花風葉暮蕭蕭
羊甦徑尺誰能盡榿木三年已足燒百歲風狂定何有
羨君今作我眉叟縱未家生執戟郎也應世出理輪宇
莫欺老病未歸身玉局他年第幾人會待子猷清興發
還須雪夜去尋君

送陳睦知潭州

華清縹渺浮高棟上有緬林藏石甕一杯此地初識君
千巖夜上同飛鞚君時年少面如玉一飲百觚嫌未痛
白鹿泉頭山月出寒光潑眼如流衣朝元閣上酒醒時
卧聽風鑿鳴鐵鳳舊遊空在人何處二十二年真一夢
我得生還雪髯滿君亦老嫌金帶重有如杜燕與秋鴻
相逢未穩還相送洞庭青草渺無際天柱紫蓋森欲動
湖南萬古一長嗟付與騷人發嘲弄

用前韻答西掖諸公見和

雙猊蟠礎龍纏棟金井轆轤鳴曉甕小殿垂簾白玉鈞
太宛竝仗朱絲鞚風馭賓天雲雨隔孤臣忍淚肝腸痛

君意氣風生坐落筆縱橫盤走未上樽日日寫黃封
物若時時開小鳳閉門憐我老太玄給札看君賦雲華
金奏不知江海眩木爪屢費瑤瑤重宣惟蹇步困追羣
已覺侍史疲再送春還宮柳腰支活雨入御溝鱗甲動
惜君妙語發春容顧我風琴不成弄

次韻王觀正言喜雪

聖人與天通有詔寬獄市好語夜喧街濕雲朝覆砌紛
然退朝後色映宮槐媚欲誇翦刻工故上朱藍袂我方
執筆待未敢書上瑞君猶伏閣爭高論亦少慰霏霏止
還作盎盎風與氣神龍久潛伏一怒勢必倍行當見三

自拜舞謹萬歲歸來飲君家酣詠追既醉

和蔣發運

夜語翻千偈書來又一言此身真佛祖何處不羲軒
穩江吹坐凌空月入樽遙知思我處醉墨在顏垣

送表弟程六知楚州

炯炯明珠照雙壁當年三老蘇程石里人下道避鳩杖
刺史迎門倒鳧鳥我時與子皆兒童狂走從人覓梨栗
健如黃犢不可恃隙過白駒那暇惜醴泉寺古垂橘柚
石頭山高閣松櫟諸孫相逢萬里外一笑未解千憂積
子方得郡古山陽老手風生謝刀筆我正含毫紫微閣

春風花困書檄莫教印綬繫餘年去掃墳墓當有
功成頭白早歸來共藉梨花作寒食

私人假山

畫裏撓天碧玉環絕河千里抱商顏試觀煙雨三峯外
解在靈仙一堂間造物何如童子戲寫真聊發使君閑
何當挈取征西去畫作圍床六曲山

送王伯敷守號

華山東麓秦遺民當時依山來避秦至今風俗含古意
柔桑綠水招行人行人掉臂不回首爭入崑崙土囊口
惟有使君千里來欲飲三堂無事酒三堂本來一事無

日長睡起聞投壺牀頭硯石開雲月澗底松根斲雪腴
山棚盜散人安寢勸買耕牛發陳廩歸來只作水衡卿
我欲携壺就君飲

道者院池上作

下馬逢佳客携壺傍小池清風亂荷葉細雨出魚兒井
好能冰齒茶甘不上眉歸塗更蕭瑟真箇解催詩

次韻子由送千之姪

江上松楠深復深蒲山風雨作龍吟年來老榦都生菌
下有孫枝欲出林白髮未成歸隱計青衫儻有濟時心
關門試草三千牘仄席求人少似今

書文與可墨竹并叙

七友文與可有四絕詩一楚詞二草書三畫四與可
雲世無知我者惟子瞻一見識吾妙處既沒七年覩其
遺迹而作是詩

筆與子皆逝詩今誰為新空遺運斤質却吊斷絃人
次韻錢舍人病起

牀下龜寒且耐支杯中蛇去未應衰殿門明日逢玉樓
猶具爭先看不疑坐覺香煙携袖少獨愁花影上廊遲
何妨一笑千痾散絕勝倉公飲上池

次韻和王鞏

謫仙竄夜郎子美耕東屯造物豈不惜要令工語言王
郎年少日文如餅水翻爭鋒雖剝甚聞鼓或驚犇天欲
成就之使觸羝羊藩孤光照微陋耿如月在盆歸來手
首詩傾寫五石樽却疑彭澤在頗覺蘇州煩君看鄒忌
子廉折配春温知音必無人壞壁掛桐孫

用王鞏韻送其姪震知蔡州

九門挿天開萬馬屯朝屯舉鞭紅塵中相見不得言夜
走清虛宿扣門驚鵲翻君家汾陽家永巷車雷拜夕郎
方不夕列戟以自藩相逢開月閣書簷低金盆至今夢
中語猶舉燈前樽阿戎脩玉牒未憚筆削煩君歸助獻

續坐繼岑與温我客二子間不復尋諸孫門多詩

魏國夫人夜遊圖

佳人自鞚玉花駃翩如驚燕踏飛龍金鞭淨道寶釵落
何人先入明光宮宮中羯鼓催花柳玉奴絃索花奴手
坐中八姨真貴人走馬來看不動塵明眸皓齒誰復見
只有丹青餘淚痕人間俯仰成今古吳公臺下雷塘路
當時一笑潘麗華不知門外韓擒虎

用舊韻送魯元翰知洛州

我在東坡下躬耕三畝園君為尚書郎坐擁百吏斂余鳴

蛙與鼓吹等是俗物喧未謝十年舊老死三家村惟君
綈袍信到我雀羅門緬懷故人意欲使薄夫敦新年對
宣室白首代堯言相逢問前輩所見多後昆道館雖云
樂冷卿當復溫還持刺史節却駕朱輪軒黃髮方用事
白須宜少存嗣聖真生知拯民如救燔初囚羽淵魄盡
返湘江魂坐憂東郡決老守思王尊北流桑柘沒故道
塵埃翻知君一寸心可敵千步垣流云自栖止老幼忘
崩聿得閑閉閣坐勿使道眼渾聊乘應捨棧直泝無生
源歸乘成二老夜榻當重論

次韻朱光庭初夏

朝罷人人識鄭崇直聲如在履聲中
小聞疎響掃桐雨
揚諒微涼殿閣風諫苑君方續承業
醉鄉我欲訪無功
惘然一枕誰呼覺半蟻新除病後聰

次韻朱光庭喜雨

久苦趙盾日欣逢傳說霖坐知千里足
初覺兩河深破
屋常持傘無薪欲變琴清詩似庭燎
雖美未忘箴

奉敕祭西太一和韓川韻四首

聖主新除祕祝侍臣來乞豐年壽宮神君欲至半夜靈
風肅然

玉璽親題御筆金童來侍天香禮罷祝融參乘前驅已

通衡湘

解劍獨行殘月披衣困卧清風夢蝶猶飛旅枕粥魚已響枯桐

陵水初含曉渌稻花半作秋香皂蓋却迎朝日紅雲正透宮墻

西太一見王荆公舊詩偶次其韻二首

秋早川原淨麗雨餘風日清酣從此歸耕劍外何人送我池南

但有樽中若下何須墓上征西聞道烏衣巷口而今煙草萋萋

次韻子由送陳侗知陝州

誰能如鐵牛橫身負蕃河滔天不能沒尺蠲未易誦世俗自無常徐公故逶迤別來不可說事與浮雲多當時無限人毀譽即墨阿虛聲了無實夜蟲鳴機梭相逢一笑外奈此白髮何天驥皆驚雲長鳴飽芻木王庭旅百寶天具隨弓戈君獨一麾去欲磨五袴歌甘棠古樂園白酒金叵羅知君不以留治行中新科過客足嗔喜東堂記分鵝此外但坐歎後生工揣摩

送賈訥倅眉二首

當年入蜀歎空回未見義眉青再來童子遙知頌禱

使君先已洗樽壘李大夫眉麤頭北望王應逢
鴈人日東郊尚有梅人曰出東郊渡江將我老不堪歌樂職後生
試覓子淵才

老翁山下玉淵回手植青松三萬栽
父老得書知我在心軒臨水為君開
試看一一龍蛇活更聽蕭蕭風雨哀
便與其棠同不翦蒼髯白甲待歸來

名老翁泉君許為一性感歎之深故及

送程建用

先生本舌耕文字浩千頃
空倉付公子坐待發蒼穎
十年困新說兒女爭捕影
鑿垣種蒿蓬嘉穀誰復省
空

解南懷意太息北堂冷
織屨隨方進採薪教書遲
辛勤守七經救水賢五鼎
今年聞起廢魯史復光景
公子亦改官三就繁馬頭
歸來一笑繫素髮颯垂領
會看金花謂湯沐奉朝請
天公不吾欺壽與龜鶴永

次韻李脩孺留別二首

十年流落敢言歸
魚鳥江湖只自知
豈意青天掃雲霧
畫呼黃髮寄安危
風流吾子真前輩
人物他年記一時
我欲折繻留此老
緇衣誰作好賢詩

此生別袖幾回麾
夢裏黃州空自疑
何處青山不堪老
當年明月巧相隨
窮通等是思家意
衰病難堪送客悲

好去江魚煮江水劔南歸路有姜詩

次韻黃魯直赤目

誦詩得非子夏學細史正作立明書天公戲人亦薄相
略遣幻翳生明珠賴君年來屏鮮腴百千燈光同一如
書成自寫蠅頭表端就君王覓鏡湖

和周正孺墜馬傷手

平生學道已神完豈復兒童私自憐醉墜何曾傷內守
色息當為念先傳書空漸覺新詩健把蟹行看樂事全
賣却老驄為酒直大呼鄉友作新年

戲周正孺二絕

新辟三公未可知會當千鎰訪權奇勸君好學猶聞事

勝斷閨中楊柳枝

天廡新頒玉鼻驛故人共弊亦常情相如雖老猶能賦
換馬還應繼二生

題文與可墨竹并叙

故人文與可為道師王執中作墨竹且謂執中勿使他人
書字待蘇子瞻來令作詩其側與可既沒八年而執
始還朝見之乃賦一首

斯人定何人遊戲得自在詩鳴草聖餘兼入竹三昧時
時出木石荒恠軼象外舉世知珍之賞會獨余最知音

舌難合奄忽不少待誰云死生隔相見如龔隗

潘推官母李氏挽詞

南浦淒涼老逐臣東坡還往盡幽人杯盤慣作陶家客
弦誦常叨孟母隣尚有升堂他日約豈知負土一阡新
今年我欲江湖去莫雨連山宰樹春

玉堂栽花周正孺有詩次韻

敬山桃李半荒榛粗報君恩便乞身竹簟暑風招我老
玉堂花蓋為誰春纖纖翠蔓詩催發皎皎霜葩髮鬪新
更看來禽青李帖他年留與學書人

杜介送魚

新年已賜黃封酒舊老仍分鱸尾魚陋巷閉門負朝日
小園除雪得春蔬病妻起斫銀絲膾稚子謹尋尺素書
醉眼矇矓覓歸路松江煙雨晚踈踈

送杜介歸揚州

再入都門萬事空閑看清洛漾東風當年幃幄幾人在
回首觝稜一夢中採藥會須逢蒯子問禪何處識龐翁
歸來鄰里應迎笑新長淮南舊桂叢

秋詠石屏

霏霏點點輕素耿耿開重陰風花亂紫翠雪外有煙林雪
近勢方壯林遠意殊深會有無事人支頤識此心

和黃魯直燒香二首

四句燒香偈子隨香遍滿東南不是聞思所及且令羣
觀先參

萬卷明窓小字眼花只有爛班一炷煙消火冷半生身
老心閑

再和二首

來詩言飲酒
畫竹石草書

置酒未逢休沐便同越北燕南且復歌呼相味隔墻知
是曹參

丹青已自前世竹石時窺一斑五字當還靜節數行
誰似高閑

武昌西山并叙

嘉祐中翰林學士承旨鄧公聖求為武昌令常遊寒溪
西山中人至今能言之軾謫居黃岡與武昌相望亦
常往來溪山間元祐元年十一月二十九日考試館職與
聖求會宿玉堂偶話舊事聖求嘗作元次山崖樽銘刻之
巖石因為此詩請聖求同賦當以遺巴人使刻之銘側

春江綠漲蒲萄醅武昌官柳知誰栽憶從楸大日載
春酒步上西山尋野梅西山一上十五里風駕兩掖飛
摧嵬同遊困卧九曲嶺褰衣獨到吳王臺中原北望在
何許但見落日低黃埃歸來解刻亭前路蒼崖半入雲

濤堆浪翁醉處今尚在石臼杯飲無樽壘爾來古意
復嗣公有妙語留山隈至今好事除草棘常恐野火燒
蒼苔當時相望不可見玉堂正對金鑾開豈知白首同
夜直卧看椽燭高花摧江邊曉夢忽驚斷銅環玉鎖鳴
春雷山人帳空猿鶴怨江湖水生鴻鴈來請公作詩寄
父老往和萬壑松風哀

再用前韻

朱顏發過如春醅胃中梨棗初未栽丹砂未易掃白髮
赤松却欲參黃梅寒溪未自遠公社白蓮翠竹依崔嵬
當時石泉照金像神光夜發如五臺飲泉鑒面得真意

坐視萬物皆浮埃欲收暮景返甲里遠泝江水窮離堆
遙朝豈獨羞老病自歎才盡傾空壘諸公渠渠若夏屋
吞吐風月清隅隈我如廢井久不食古甃缺落生陰苔
數詩往復相感發及新除舊寒光開遙知二月春江闊
雲浪倒捲雲峯摧石中無聲水亦靜云何解轉空山雷
欲就諸公評此語要識憂喜何從來頭求南宗一勺水
往與屈賈湔餘哀常應物詩云水性本云靜石中固
無聲如何兩相激雷轉空山驚

送楊孟容

我家峩眉陰與子同一邦相望六十里共飲玻璃江江
山不遠人遍滿千家窓但苦窓中人寸心不自降子歸

治小國洪鐘噓微撞我留待玉坐弱步歌豐扛後生多
高才名與黃童雙不肯入州府故人餘老龐慙勤與問
訊愛情霜眉厖何以待我歸寒醅發春缸

見子由與孔常父唱和詩輒次其韻余昔在館
中同舍出入輒相聚飲酒賦詩近歲不復講故
終篇及之庶幾諸公稍復其舊亦太平盛事也

君先魯東家門戶照千古文章固應爾須鬣餘似處雖
非蒙俱狀尚有歷國苦誦書口瀾翻布穀雜杜宇十年
困穽廷擗沐飽風雨吾道其非耶野處豈兕虎灞陵閑
老將相直口尚乳哺君兄弟還昂立知有補蓬山老員舊

故事誰刪去來迎馮翊傳出錢會稽組吾猶及前輩
詩酒盛冊府頌君唱此風楊解斯杜舉

趙令晏崔白大圖幅徑三丈

挾桑大壘如甕盎天女織綃雲漢上往來不遣鳳銜梭
誰能鼓臂投三丈人間刀尺不敢裁丹青付與濠梁客
風蒲半折寒鴈起竹間的皪橫江梅畫堂粉壁翻雲幕
十里江天無處着好卧元龍百尺樓笑着江水拍天流

次韻張昌言給事省宿

馮顛父已歌殘雪戎眼何曾眩落暉
東臺暝坐覺鳥飛道家有鳥飛入兔宮之說漫誇年少容吾在譙云

猶有誇張少年處張文真散兄若闔樽前舉世稀待向崧陽求水竹
一犁煙雨伴公歸

和三舍人省上三月二十九日作明

紛紛榮瘁何能久雲雨從來翻覆手恍如一夢墮枕中
却見三賢起江右子開劉貢父孔嗟君妙質皆瑚璉

顧我虛名但箕斗明朝冠蓋蔚相望共扈翠輦朝宣先
武皇已老白雲鄉正與群帝驂龍翔獨留杞梓扶明堂

送錢承制赴廣南路分都監

當年我作表忠碑坐覺江山氣未衰舞鳳尚從天日下
校尉時有渥注妾據床到處吹笛橫梁何人解賦詩

知是丹霞破佛手先聲應已懾群夷

廣西僧寺頃有佛手之異錢君碎而投之江中

次韻曾子開從駕二首

街槐綠閣雨初勻瑞霧香風滿後塵清廟幸同觀濟濟
豐年喜復接陳陳雍容已饜天庖賜俯伏初嘗貢茗新
輦路歸來聞好語共驚充額類高辛

入伏魂驚愧草萊一聲清蹕九門開暉暉日傍金輿轉
習習風從玉宇來流落生還真一芥周章危立近三槐
學士班道傍儻有山中舊問我收身早晚回

再和

眼花錯莫髮霜勻病馬益羸駟只自塵奉引拾遺叨侍從

東坡集卷之十一
恩歸少傅羨朱陳
衰年壯觀空驚日
嶮韻清詩舌
閩新
最後數篇君莫厭
擣殘椒桂有餘辛

憶觀滄海過東萊
日照三山遙
暹開挂觀飛
樓凌霧起
仙幢寶蓋拂天來
不聞宮漏催晨箭
但覺簷陰轉
古槐
供奉清班非老處
會稽何日乞方回
詩方開
會稽守

次韻劉貢父省上喜雨

密雲今日破郊西
踈雨瀟瀟未作泥
要及清閑同笑語
行看衰病費扶携
花前白酒傾雲液
戶外青驄響月題
不用臨風苦揮淚
君家白與竹林齊
顛其父詩中有
原父同暇

再和

當年曹守我膠西
共厭鋪糟與汨泥
自古亦成成者
因公黃犢免提携
生還各有青山興
病起猶能小字題
莫恠歌呼數相和
曾將獄市寄全齊
貢父為曹州
盜賊
此其齊奏曉謔書

送顧子敦奉使河朔

我友顧子敦
軀膾兩俊偉
使使十圍腹
不但貯書史
容君教石人
一笑萬事已
十年卧江海
了不見愠喜
磨刀向豬羊
醜酒會鄰里
歸來如一夢
豐頰愈茂美
平生壯毅手
謀墨寫黃紙
會當勒燕然
廟堂登劔履
翻然向河

朔坐念東郡水河來吃不去如尊乃勇耳

次韻子由送家退翁知懷安軍

吾州同年友繁若琴上星當時功名意豈止拾紫青事

既喜遠碩天或不假齡今如圖中鶴悅仰在一庭晤

友十一人今存者六人師已西南王春早廢沼黏枯萍

翻然一麾去想見靈雨零我無謫仙句待詔沉香亭空

騎內虜馬天仗隨雲駢竟無絲毫補脊焉誰汝今未愧

舊山叟憑君寄丁寧

諸公餞子敦軾以病不往復次前韻

言為江南英面作河朔偉人間一好漢誰似張長史上

言甚苦言拙輒報已置之勿復道出處俱可喜

共六尺食肉飛萬里誰言遠近殊等是朝手羨遙知

別處醉墨華淋紙我以病杜門商頌空振履後會知何

日一歡如覆水善保千金軀前言戲之耳

和張昌言喜雨

三聖憂懃忘寢食百神奔走會風雲禁林夜直鳴江瀨

清洛朝回起縠紋夢覺酒醒聞好句帳空單冷發絲

秋未定有豐年喜刺作新詩準備君

次韻劉貢父西首種竹

要知西掖承平事記取劉郎種竹初舊德終呼名字

後生誰續笑談餘昔李公擇種竹館中戲語同舍後人

杖正不獨繫筆亦知種成陰障日行當見取筍供庖寺竹寺僧日報

已踈白首林間望天上平安時報故人書李衛公封都

偶與客飲竟常父是訪方設席延請忽上馬馳

去已而有詩戲用其前韻答之

揚雄他文不皆奇獨稱觀餅居井眉酒客法士兩小兒

陳遵張竦曾何知主人有酒君獨辭蟹螯何不左手持

豈復見吾橫氣機遣人追君君絕馳盡力去花君自癡

醜鞠與酒同一尾請君更問文殊師

次韻子由書李旧時所藏韓幹馬

澤澤古屋雲幕垂省中文書如亂絲忽見伯時畫天馬

朔風胡沙生落錐天馬西來從西極勢與落日爭分馳

龍膺豹股頭八尺奮迅不受人間羈元狩虎脊聊可友

開元玉花竹足奇伯時有道真吏隱飲啄不羨山梁雌

丹青弄筆聊爾耳意在萬里誰知之幹惟畫肉不畫骨

而况失實空餘皮煩君巧說腹中事妙語欲遣黃泉知

君不見韓生自言無所學廐馬萬匹皆吾師

次韻劉貢父獨直省中

明窓畏日曉先暝高柳鳴蜩午更喧筆老新詩疑有物
心空客疾本無根隔牆我亦眠風榻上馬君先瑣月軒

共喜早歸三伏近鮮衣盤礴亦君恩

軾以去歲春夏侍立邇英而秋冬之交子由相繼入侍次韻絕句四首各述所懷

矍矍日脚曉猶清細細槐花暖自零坐閱諸公半廊廟

時看黃色起天庭

僕謝呂公門下韓公左丞劉公皆自講席大用

上尊初破早朝寒茗盃仍沾講舌乾陛楯諸郎空雨立

故應慙悔不儒冠

兩鶴摧頰病不言年來相繼亦乘軒悞聞九奏聊飛舞

可得裴回為啄吞

微生偶脫風波地晚歲猶存鐵石心定似香山老居士

緣終淺道根深

樂天自江州司馬除忠州刺史

此然謫居黃州起知大登召為修普遊香侍代

送宋朝散知彭州迎侍二親

果來誰迎使君車知是丈人屋上烏丈人今年二毛初

登樓上馬不用扶使君負弩為前驅蜀人不復談相如

老幼化服一事無有鞭不施安用蒲春波如天漲平湖

輕紅照坐香生膚恭講上壽白玉壺公堂登歌鳳將雛

諸孫權笑爭挽須蜀人畫作西湖圖

郭熙畫秋山平遠

路公為跋尾

玉堂畫豈掩春日閑中有郭熙畫春山鳴鳩乳燕初睡起

東坡集卷之二十一
白波青嶂非人間，離離短幅開平遠。漠漠疎林寄秋晚，
恰似江南送客時。中流回頭望雲巘，伊川佚老鬢如霜。
卧看秋山思洛陽，為君紙尾作行草。烟如嵩洛浮秋光，
我從公遊如一日，不覺青山映黃髮。為畫龍門八節灘，
待向伊川買泉石。

次韻張昌言喜雨

千里黃流失，故居年來赤地到。青徐遙聞爭，誦十行語
無異親。巡六尺輿，精貫天人一言足。雲興嶽瀆萬靈趨，
愛君誰似元和老賀雨。詩成即諫書。

書晁補之所藏與可畫竹三首

其四畫竹時見竹，不見人。豈獨不見人，嗒然遺其身。其
身與竹化，無窮出清新。莊周世無有，誰知此疑神。
若人今已無，此竹寧復有。那將春蚓筆，畫作風中柳。看
新崖上瘦節蛟蛇走，何時此霜竿復入江湖手。
晁子拙生事，舉家聞食粥。朝來絕倒諷，暮得霜竹詩。
隣先生擊朝日照首，宿吾詩。固云爾，可使食無肉。語
可使食無肉，不可居無竹。

戲周晁補之韻

昔我嘗陪醉翁醉，今君但吟詩。老詩清詩咀嚼，那得飲
瘦竹瀟洒。令人飢詩問鳳凰，飢食竹何如。駕馬肥首宿。

知君忍飢空誦詩口頰爛翻如布穀

書皇親畫扇

紅年江海寄浮沉夢洗江南黃蒿林誰謂風流貴公子
筆端還有五湖心

書李世南所畫秋景

野水參差落漲痕疎林欹倒出霜根扁舟一棹歸何處
家在江南黃葉村

人間斤斧日創夷誰見龍蛇百尺姿不是溪山曾獨往
何人解作掛猿枝

書鄒陵王主簿所畫折枝二首

古往今來亦其宜丈夫恐不免豈患莫已知
與誰少小稱偉奇俯仰自廊廟笑談無羗夷清朝竟
用曰首仍憂時願斬橫行將請身乾沒兒言雖不見
坐折姦雄窺嗟我去公久江湖生白髮歸來耆舊盡
落存者誰比公秘中散龍性不可羈疑公李北海慷慨
多雄詞淒涼五君詠沉痛八哀詩邪正久乃明人今
公思九原不可傳千古有餘恣

次韻孔常父送張天覺河東提刑

送君應典鷓鴣來憑仗千鍾洗別愁脫帽風流餘長

君喜草書而不工故以此為戲埋輪家世本留侯張綱子房七世孫也

其後山君子河駿馬方爭出驊馬出昭義我疲兵亦少
休唐昭義步兵蓋定句秋山得嘉句故閑黃葉滿行軸

送天覺得山字

西登太行嶺北望清涼山晴空浮五鬢掩藹
光入巖石神草出茅管何人相指似稍稍落人窠能念
隆指兕虬髯茁水顏祝君如此草為民已痾瘵我亦老
且病眼花腰脚頑念當勤致此莫作河東慳

次韻王定國揚州倅

此身江海寄天遊一落紅塵不易收未許相如還蜀道
空教何遜在揚州又驚白酒催黃菊尚喜朱顏映黑頭

千古事虞卿應未厭窮愁

東坡集卷第十七

詩八十八首

贈李道士并叙

爲部員外郎李君宗固景祐中良吏也守漢州有道
士尹可元精練善畫以遺火得罪當死君緩其獄會
赦獲免時可元年八十一自誓且死必爲李氏子必
報可元旣死二十餘年而君子世昌之婦夢可元入
其室生子曰得柔小名蜀孫幼而善畫旣長讀在老
喜之遂爲道士賜號妙應事母以孝謹聞其寫真蓋
妙絕一時云

世人只數曹將軍誰知虎頭非癡人腰間大羽打足
道頰上三毛自有神平生狎侮諸公子戲著幼輿巖
石裏故教世世作黃冠布襪青鞋弄雲水千年鼻祖
守關門一念還為李耳孫香火舊緣何日盡丹青餘
習至今存五十之年初過二衰顏記我今如此他時
要指集賢人知是香山老居士樂天為翰林學士奉詔寫真集賢院

次韻張舜民自御史出倅虢州留別

玉堂給札氣如雲初喜相纍復佩銀樊口淒涼已陳
昔與張同遊武昌班心突兀見長身學吏謂御史班心

江湖前日真成夢鄩杜他年恐卜鄰此去若容陪坐

蕭故應客主盡詩人

次韻米黻二王書跋尾二首

三館曝書防蠹毀得見來禽與青李秋地春蚓又相
雜野鷺家雞定誰美玉函金籀天上来紫衣敕使親
臨啓紛綸過眼未易識磊落挂壁空雲委歸來妙意
獨追求坐想蓬山二十秋怪君何處得此本上有桓
玄寒具油巧偷豪奪古來有一笑誰似癡虎頭君不
見長安求寧里王家破垣誰復修

元章作書日千紙平生自苦誰與美畫地為餅未必
似要令癡兒出饒水錦囊玉軸來無趾粲然奪真疑

聖智忍飢看書淚如洗至今魯公餘乞米

次韻宋肇惠澄心紙二首

詩老囊空一不留百當曾作百金收

來叙以澄心百幅遺聖俞聖俞

有知君也厭雕肝腎分我江南數斛愁

吾家家學陋相如宜與諸儒論石渠古紙無多更分

我自應給札奏新書

郭熙秋山平遠二首

日盡孤鴻落照邊遙知風雨不同川此間有句無人

見送與襄陽孟浩然

未幾騷人已忍秋不堪乎遠發詩愁要看萬壑爭流

更他日終煩顧虎頭

送歐陽辯監澶州酒

汗血駕鼓車何從致千里紛紛糟麴間欲試賢公手

君家江南英濯足滄浪水竭渡舊黃河漲沙埋馬耳

由來付造物倚伏何窮已當念楚子文三仕無愠喜

九月十五日通英講論語終篇賜執事

講讀史官燕于東宮又遣中使就賜

御書詩各一首臣軾得紫薇花絕句其詞

云絲綸閣下文書靜鐘鼓樓中刻漏長獨

坐黃昏誰是伴紫薇花對紫薇即翌日各

以表謝又進詩一篇臣軾詩云

繡裳畫衣雲垂地不作成王翦桐戲日高黃繖下西

清風動槐龍舞交翠述莫問前有雙槐如龍形壁中嘉簡今

千年漆書蝌蚪光射天諸儒不復憂吻燥東宮賜酒

如流泉酒酣復拜千金賜一紙鴛鴦回鳳字蒼顏白

髮便生光袖有驪珠三十四臣所賜詩并題用及歸

乘車馬已喧闐爭看銀鈎墨色鮮人間一日傳萬口

喜見雲章第一篇御上前此未嘗以玉堂畫掩文書靜

鈴索不搖鐘漏永莫言弄筆數行書須信時平由

主聖火羊散盡沙漠空捷烽夜到耳泉宮似聞石

禁上郡已覺談笑無西戎時熙河新獲鬼章是日

文思天子師文母終閉玉關辭馬武小臣願對紫微

花試草尺書招贊普謹按唐制翰林學士帶知制誥

誥待罪禁林故得

和王晉卿并叙

駙馬都尉王誥晉卿功臣全彬之後也元豐

二年予得罪貶黃岡而晉卿亦坐累遠謫不

相聞者七年予既召用晉卿亦還朝相見殿

門外感歎之餘作詩相屬託物悲慨阨窮

而不怨泰而不驕佳其貴公子有志如此故

次其韻

先生飲東坡獨舞無所屬當時挹明月對影三人足
醉眠草棘間蟲虺莫予毒醒來送歸鴈一寄千里目
悵焉懷公子旅食久不玉欲書加餐字遠託西飛鵠
謂言相濡沫未足救溝瀆吾生如寄耳何者為禍福
不如兩相忘昨夢那可逐上書得自便歸老湖山曲
躬耕二頃田自種十年木豈知垂老眼却對金運燭
公子亦生還仍分刺史竹賢愚有定分尊俎守尸祝
文章何足云執枝等醫卜朝廷方西顧羗虜驕未伏
遙知重陽酒白羽落黃菊羨君真將家浮面氣可掬

天網詒實執君語則亦
氣浮面為將勿多疑人

何當請長纓一戰河邊

謝王澤州寄長松兼簡張天覺二首

莫道長松浪得名能教覆額兩眉青
便將徑寸同千尺知有奇功似伏苓

憑君說與埋輪使速寄長松作解嘲
送張天覺詩
及河東
識無復青黏和漆葉枉將鍾乳敵仙茅

次韻劉貢父所和韓康公憶持國二首

夢覺真同鹿覆蕉相君脫屣自參寥
顏紅底事髮先白室適何妨人自遙
狂似次公應未怪醉推東閣不須招
援毫欲作衣冠表盛事終當繼八蕭
唐蕭氏白瑞
及蕭八宰相

東坡集卷之十七 五
閉戶端居念獨深小軒朱櫺憶同臨燎湏誰識英公

意英公為其妹作獨燎湏日黃髮聊知子建心與建

王處別詩云王其愛已託西風傳絕唱且邀明月伴

孤斟他時內集應呼我下客先判平醉隨簪

次韻劉貢父叔姪色駕

玉堂孤坐不勝清長羨枚鄒接長卿只許隔牆聞置

酒時因議事得聯名機雲似我多遺俗廣受如君不

治生共託屬車塵土後鈞天一餉夢中榮

次韻韓康公置酒見留

凝下黃花一醉同重來雪嶽已穹窿不應屢費譏安

百但使毋多酌次公鍾乳金釵人似玉鷓絃鐵撥生

生風少卿尚有車茵在頗覺寬容勝弱翁

次韻王都尉偶得耳疾

君知六鑿皆為替我有一言能決疣病客巧聞牀下

蟻癡人強覷棘端猴聰明不在根塵裏藥餌空為婢

僕憂但試周郎看聾否曲音小誤已回頭

送喬全寄賀君六首并叙

舊聞靖長官賀水部皆唐末五代人得道不死章聖

皇帝東封有謁於道左者其謁云晉水部負外郎賀

元再拜而去上不知也已而閱謁見之大驚物色求

之不可得天聖初又使其弟子喻澄者詣闕進佛道
像直數千萬張公安道與澄遊其得其事又有喬全
者少得大風疾幾死賀使學道今年八十益壯盛以
無復見賀者而全數見之元祐二年十二月全來京
師十許日予留之不可曰賀以上元期我於蒙山又
曰吾師嘗遊密州識君於常山道上意若喜君者作
是詩以送之且作五絕句以寄賀

君年二十美且都初得惡疾墮眉湏紅顏白髮孺妻
孺覺鏡自嫌欲弃軀結茅窮山啖松腴路逢逃秦博
士盧方瞳照野清而臞再拜未起煩一呼覺知此身

了非喜炯然蓮花出泥塗隨師東遊渡淮却淮州
看山頭見我兩輪朱豈知仙人混屠沽爾來八十曾
垂胡上山如飛瞋人扶東歸有約不敢渝新年當參
老仙儒秋風西來下雙鳧得棗如瓜分我無
生長兵間早脫身晚為元祐太平人不驚渤解桑田
變來看龜蒙漏澤春

曾謁東封玉輅塵幅中短褐亦遂巡行宮夜奏空名
姓悵望雲霞縹眇人

垂老區區豈為身微言一發重千鈞始知不見高皇
帝正似商山四老人

舊聞父老哥郎官已作飛騰變化看聞道東家有益
處願供薪水看燒丹

千古風流賀季真最怜嗜酒謫仙人狂吟醉舞知無
益粟飯藜羹問養神

送家安國教授歸成都

別君二十載坐失兩鬢青吾道雖艱難斯文終典刑
屢作退飛鷁羞看乾死螢一落戎馬間五見霜葉零
夜談空說劍春夢猶橫經新科復舊貫童子方乞靈
須煩凌雲手去作入蜀星蒼苔高睨室古栢文翁庭
初聞編簡香始覺鋒鏑腥岷峨有雛鳳梧竹養鶩翎

嗚呼應解律飛舞集虞廷吾儕便歸老亦足慰餘齡

和子由除夜元日省宿致齋三首

江海流落豈關天禁省相望亦偶然等是新年未相
見此身應坐不歸田

白髮蒼顏五十三家人強遣試春衫朝回兩袖天香
滿頭上銀幡笑阿咸

當年踏月走東風坐看春闈鎖醉翁白髮門生幾人
在却將新句調兒童

次韻荅張天覺二首

車輕馬穩轡銜堅但有蚊虻喜撲緣截斷口前君莫

東坡集卷之二十七
怪人間差樂勝巢仙

馭風騎氣我何勞且要長松作土毛亦如訶佛丹霞
老却向清涼礼白毫

次韻黃魯直畫馬試院中作

少年鞍馬勤遠行卧聞齧草風雨聲見此忽思短策
橫十年髀肉磨欲透那更陪君作詩瘦不如羊羸歸
飯豆門前欲嘶御史驄詔恩三日休老翁羨君懷中

雙橋紅黃有
老母

余與李薦方叔相知久矣願貢舉事而李
不得第愧甚作詩送之

與君相從非一日筆勢翩翩疑可識平時謾說古
場過眼終迷日五色我慙不出君大笑行止皆天子
何責青袍白紵五千入知子無怨亦無德買羊沽酒
謝玉川為我醉倒春風前歸家但草凌雲賦我相去
子非癯仙

和王晉卿送梅花次韻

東坡先生未歸時自種來禽與青李五年不踏江頭
路夢逐東風泛蘋芷江梅山杏為誰容獨笑依依臨
野水此間風物君未識花浪翻天雪相激明年我復
在江湖知君對花三嘆息

和宋肇遊西池次韻

漢皇慈儉不開邊尚教千艘下瀨舡貪看艤舫飛闕
艦不知鼻眉舞鈞天故山西望三千里往事回思二
十年自笑區區足官府不如公子散神仙

書艾宣畫四首

竹鶴

此君何處不相宜況有能言老令威誰識長身古君
子猶將緇布綠深衣

黃精鹿

太華西南第幾峯落花流水自重重幽人只採黃精

去不見春山鹿養茸

杏花白鵬

天工翦刻為誰妍袍藥游蜂自作團把酒惜春都是
夢不如閑客此閑看

蓮龜

半脫蓮房露壓歌綠荷深處有游龜只應翡翠蘭蓀
上獨見玄夫曝日時

僕領貢舉未出錢穆父雪中作詩見及三
月二十日同遊金明池始見其詩次韻
雪知我出已全消花待君來未敢飄行避門生時小

飲忽逢騎吏有嘉招魚龍絕技來千里斑白遺民數
四朝知有黃公酒壚在蒼顏華髮自相遙

次韻子由五月一日同轉對

跪奉新書笏在腰談王正欲伴耕樵晉陽豈為一門

事后高祖謂温大推兄弟云我宣政聊同五月朝正

已改致與文武百僚相見宣憂患半生聯出處歸休上

策早招要後生可畏吾衰矣刀筆從來錯料堯

韓康公挽詞三首

故國非喬木興王有世臣嗟予後死者猶及老成人

德業經文武風流表縉紳空餘行樂地處處泣遺民

壽世忠清德三朝翼贊勲功成不歸國就訪敢忘君

舊學嚴詩律餘威靖寒氛何當繼韓奕故吏抱能文

西第開東閣初筵點後塵笙歌邀白髮燈火樂青春

扶路三更罷回頭一夢新賦詩猶墨温把卷獨沾巾

栢石圖詩并叙

陳公弼家藏栢石圖其子慥季常傳寶之東坡居士

作詩以為之銘

栢生兩石間天命本如此雖云生之艱與石相終始

韓子俯仰人但愛平地羨土膏雜董壤成壞幾何事

君看化槎牙豈有可移理蒼龍轉玉骨黑虎抱金鉉

畫師亦可人使我毛髮起當年落筆意正欲譏韓子
慶源宣義王文以累舉得官為洪雅主簿
雅州戶掾遇吏民如家人人安樂之既謝
事居眉之青神瑞草橋放懷自得有書來
求紅帶既以遺之且作詩為戲請黃魯直
學士秦少游賢良各為賦一首為老人靴
青衫半作霜葉枯遇民如鬼吏如奴吏民莫作官長
看我是識字耕田夫妻啼兒號刺史怒時有野人來
挽瀆拂衣自注下下考羊魁飯豆吾豈無歸米瑞草
橋邊路獨游還佩平生壺慈母巖前自喚度青衣江

上人爭扶今年蚕市數州集中有遺民懷袴襦邑中
之黔相指似白髯紅帶老不癯我欲西歸卜鄰舍隔
牆村掌容歌呼不學山王乘駟馬回頭望指黃公壚

次許冲元韻送成都高士敷餘轄

移中老監本虛名懶作燕山萬里行余與高君奉使契丹辭免不行

坐看飛鴻迎使節歸來駿馬換傾城高才本不緣勳
關餘力還思治蜀兵西望空山烽火盡不妨樽酒寄
平生

次前韻送程六表弟

君家兄弟真連壁門十朱輪家萬石竹使猶分刺史

符尚方行賜尚書鳥前年持節發倉廩到處賣刀收
重粟歸來閉口不論功却走渡江誰復惜君才不用
如澗松我老得全猶社櫟青衫莫厭百僚底白首上
有千薪積憶昔江湖一釣舟無數雲山供點筆未應
使障西風扇只恐先移北山檄憑君寄謝江南叟念
我空見長安日浮江沂蜀有成言江水在此吾不食
和王晉卿題李伯時畫馬

督郵有良馬不為君所奇顧收紙上影駿骨何由歸
一朝見繁策蟻封鴛肉飛豈惟馬不遇人已半生癡

送錢穆父出守越州絕句二首

簿書常苦百憂集樽酒今應一笑開京兆從教思廣
漢會稽聊喜得方回

若耶溪水雲門寺賀監荷花空自開我恨今猶在泥
滓勸君莫棹酒舡回

戲書李伯時畫御馬好頭赤

山西戰馬飢無肉夜嚼長稽如嚼竹蹄間三丈是徐
行不信天山有坑谷豈如甌馬好頭赤立仗歸來卧
斜日莫教優孟卜葬地原衣薪樵入銅歷

送程七表弟知泗州

江湖不在眼塵土坐滿顏繫舟清洛尾初見淮南山

淮山相媚好，曉鏡開煙鬟。持此娛使君，一笑簿領間。
使君如天馬，朝燕莫荆蠻。時無玉良手，空老十二閑。
聊當出毫末，化服我與頑。勿謂無人知，古佛臨濤灣。
赤子視萬類，流萍閱人寰。但使可此人，餘事真弟管。

送曹輔赴閩曹

曹子本儒俠，筆勢翻濤瀾。往來戎馬間，邊風裂儒冠。
詩成橫槊裏，楮墨何曾乾。一旦事遠遊，紅塵隔巖灘。
平生羊炙口，並海搜鹹酸。一從荔支飲，豈念首霜繁。
我亦江海人，市朝非所安。常恐青霞志，坐隨白髮閑。
爾明賦歸去，談笑便解官。今我何為者，索身良獨難。

君問清佳秋水今，幾竿我舟何時發。霜露日已寒，
次韻王郎子立風雨有感

百年一俯仰，寒暑相主客。稍增裘褐氣，已覺團扇瓦。
不須計榮辱，此喪彼有獲。我琴終不敗，無攬故無釋。
後生不自牧，呻吟空挾策。振苗不待長，賣菜苦求益。
此即獨靜退，門外無行迹。但恐陶淵明，每為飢所迫。
凄風弄衣結，小雪穿門席。願君付一笑，造物亦戲劇。
朝來賦雲夢，筆落風雨疾。為君裁春衫，高會開桂籍。
次韻黃魯直朝小德小德魯直子其母微
故其詩云解著潛夫論不妨無外家

進饌客爭起小兒那可涯莫欺東方星三五自橫斜
名駒已汗血老蚌空泥沙但使伯仁長還與絡秀家
書林次中所得李伯時歸去來陽關一圖
後二首
不見何戡唱渭城舊人空數米嘉榮龍眠獨識慙慙
處畫出陽關意外聲

兩本新圖寶墨香樽前獨唱小秦王為君翻作歸來
引不學陽關空斷腸

送蹇道士歸廬山

物之有知蓋恃息孰居無事使出入心無天遊室不

雲衣鑿相攘婦爭席法師逃人入廬山山中無天白
徒還往者一空還者失此身正在無還間絲絲不絕
微風裏內外丹成一彈指人間俯仰三千秋騎鶴歸
來與子遊

卧病逾月請郡不許復直玉堂十一月
鑠院是日苦寒詔賜官燭法酒書呈同院
微霰踈踈點玉堂詞頭夜下攬衣忙分光御燭星辰
爛拜賜官壺雨露香醉眼有花書字大老人無睡漏
聲長何時却逐桑榆暖社酒寒燈樂未央

送周朝議守漢州

茶為西南病氓俗記二李祀與何人折其鋒矯矯六

君子思道與姪正孺張求微吳君家尤出力流落初

坐此謂當收桑榆華髮看劔履胡為犯風雪歲晚行

未已念歸誠得計顧自為謀耳吾聞江漢間瘡痍有

未起莫輕龔遂老君王付尺筆召還當有詔挽袖謝

鄰里猶堪作水衡供張園林美

木山并叙

吾先君子嘗蓄木山三峯且為之記與詩詩人梅二

夫聖俞見而賦之今三十年矣而猶子千乘又得五

峯益奇因次聖俞韻使并刻之其側

聖俞詩

空山枯楠大蔽牛霹靂夜落魚鳧洲魚鳧水射幾千

秋露肌爛隨沙蕩流惟存堅骨蛟龍鏤形侔三山中

雄酋左右兩峯相挾翼尊奉君長魚慢充蘇夫子見

之驕且喜買於谿叟憑貂裘因嗟大不為梁棟又歎

殘不為薪樵兩侵蘚澀得石瘦宜與夫子歸隱丘

次韻

木生不願回萬牛願終天年仆沙洲時來幸逢河伯

秋掀然見怪推不流蓬婆雪領巧雕鏤蟄蟲行蟻為

豪酋阿咸大膽忽持去河伯好事不汝充城中古沼

浸坤軸一林瘦竹吾菟裘二頃良田不難買二年糧
木行可樵會將白髮對蒼巘魯人不厭東家丘

送千乘十能兩姪還鄉

治生不求富讀書不求官譬如飲不醉陶然有餘歡
君看龐德公白首終泥蟠豈魚子孫念顧獨遺以安
鹿門上冢回牀下拜龍鳶躬耕竟不起耆舊節獨完
忿汝少多難冰雪落綺紈五子如一人奉養真色難
烹雞獨餽母自饗首宿槃口腹恐累人寧我食無肝
西來四千里敝袍不言寒秀眉似我兄亦復心閑寬
忽然捨我去歲晚留餘酸我豈軒冕人青雲意先闌

時松菊環以青琅玕
禮陰三年成何以挂
清泣入城郭小圃生微瀾相從結茆舍曝背談金盞

送周正孺知東川

得郡書生榮還家昔人重而况東西川千騎許止家
里門下車入父老自鶻鴛端如何武賢不事長卿寵
清時養林傑杞梓方培擁未應遺合抱取用及把拱
如君尚出麾顧我宜耕壟告歸謝先手求去悔不勇
虛云慕廉退實自知衰冗為君掃棠陰畫像或相踵

不畫像者

題李伯時畫趙景仁琴鶴圖二首

清獻先生無一錢故應琴鶴是家傳誰知默鼓無絃
曲時向珠宮舞幼仙

醜石寒松未易親聊將短曲調長人乘軒故自冰明
眼終日傲傲舞嬰新

次前韻再送周正孺

東川得望即坐與西爭重高風傾石室舊學鄙文家
蜀人安使君所至野不聳竹馬迎細侯大錢送劉寵
遺知句谿路老穉相扶擁看畫古叢祠百怪朝幽拱
筆頭與堯率雲木蔚堆龍醉鄉追舊游筆陣賈餘勇
詩酒樂一掃簿書冗西風吹好句珠玉本無踵

文蒙
梓州

書王定國所藏煙江疊嶂圖 王晉卿書

江上愁心千疊山浮空積翠如雲煙山耶雲耶遠莫
知煙空雲散山依然但見兩崖蒼蒼晴絕谷中有百
道飛來泉索林絡石隱復見下赴谷口為奔川川乎
山關林麓斷小橋野店依山前行人稍度喬木外漁
舟一葉江吞天使君何從得此本點綴毫末分清濁
不知人間何處有此境徑欲鞋置二頃田君不見我
昌樊日幽絕處東坡先生留五年春風搖江天漠漠
暮雲卷兩山娟娟丹楓翻鴉伴水宿長松落雪驚鷺

眠桃花流水在八世武陵豈必皆神仙江山清空我處
土雖有去路尋無緣還君此畫三歎息山中故人應
有推我歸來篇

次韻王定國會飲清虛堂

何遜揚州又幾年官梅詩興故依然何人可復問季
孟與子不妨中聖賢卜築君方淮上郡歸心我已劔
南川此身正似蚕將老更盡春光一再眠

興龍節侍宴前一日微雪與子由同訪王
定國小飲清虛堂定國出數詩皆佳而五
言尤奇子由又言昔與孫巨源同過定國

感念存沒悲歎久之夜歸稍醒各賦一篇
明日朝中以示定國也

天風浙浙飛玉沙詔恩歸沐休早衙遙知清虛堂裏
雪正似蒼筤林中花出門自笑無所詣呼酒持勸
君家踏冰凌兢戰疲馬扣門剝啄驚寒鴉羨君五字
入詩律欲與六出爭天葩頭風已倩檄手愈皆瘳
得仙爪爬銀鉞瀉油浮蟻酒紫盃鋪粟盤龍茶幅巾
起作鴈鴒舞疊鼓誰摻漁陽柶九衢燈火雜夢寐十
年聚散空咨嗟明朝握手殿門外共看銀闕暎晨霞

王晉卿所藏著色山二首

縹渺營丘水墨仙浮空出沒有無間爾來一變風流
盡誰見將軍著色山

犖確何人似退之意行無路欲從誰宿雲解駮晨光
漏獨見山紅澗碧時

次韻黃魯直效進士作歲寒知松柏詩

龍蟄雖高卧雞鳴不廢時炎冷徒自變茂悅兩相知
已負棟梁質肯為兒女姿那憂霜賀賀未喜日遲遲
難與夏蟲語永無秋實悲誰知此植物亦解秉天彝

王晉卿作煙江疊嶂圖僕賦詩十四韻晉

卿和之語特奇麗因復次韻不獨紀其詩

畫之美亦為道其出處契闊之故而終之
以不忘在莒之戒亦朋友忠愛之義也

山中舉頭望日邊長安不見空雲煙歸來長安望山
上時移事改應潛然管絃去盡賓客散惟有馬埒編
金泉渥注故自千里足要飽風雪輕山川屈居華屋
唱棗脯十年俯仰龍旂前却因病瘦出奇骨鹽車之
厄寧非天風流文采磨不盡水墨白與詩爭妍畫山
何必山中人田歌自古非知田鄭虔三絕君有二筆
勢挽回三百年欲將巖谷亂窈窕眉峯脩嫵誇連娟
人問何有春一夢此身將老蚕三眠山中幽絕不可

久要作平地家居仙能令水石長在眼非君好我當
誰緣願君終不忘在苦樂時更賦因山篇柳子厚有賦

夜直玉堂携李之儀端叔詩有餘首讀至
夜半書其後

玉堂清冷不成眠伴直難呼孟浩然暫借好詩消永
夜每逢佳處輒參禪愁侵硯滴初含凍喜入燈花欲
闌妍寄語君家小兒子他時此句一時編

景仁和賜酒燭詩復次韻謝之時公方進新樂

笙磬分均上下堂

舊說堂上之樂皆受笙均堂下之樂皆受磬均

游魚無畏

自奔忙朱絃初識

孤桐韻

舊樂金石聲高而絃聲響今樂金石與絃聲皆響

玉璫猶聞和黍香

舊法以尺生律今以黍定律以律生尺

萬事今方落

伯始一斑我亦愧真長此生會見三雍就無復寥寥
歎未央

次韻劉百父春日賜幡勝

寬詔隨春出內朝二軍喜氣挾狐貂鏤銀錯落翻封
丹翦綵纈紛舞慶宵騰雪強飛纔到地懶日曉風偷
轉不羈條晚冠征醉應歸卧便腹從人笑老韶是月奉次賜百

再和

與君流落偶還朝過眼紛紛七葉貂莫笑華顛飄彩
勝幾人黃壤隔青霄行吟未許窮騷雅坐嘯猶能出

教條記取明年江上郡五更春枕夢春韶

葉公秉王仲至見和次韻答之

衫締方暑亦堪朝歲晚淒風憶阜貂共喜鷓鴣歸禁
禦心知日月在重霄君如老驥初遭絡我似枯桑不
受條強鑷霜須簪彩勝蒼顏得酒尚能韶

再和

衰遲何幸得同朝溫勁如君合珥貂誰惜異材蒙徑
寸自慙枯枿借凌霄光風泛泛初浮水紅糝離離欲
綴條後日一樽何處共奉常端冕作成韶

次韻王晉卿惠花栽栽所寓張退傅第中

一首

夢來念念失前人共向空中寓一塵若問此花誰是
主天教閑客管青春

次韻王晉卿土元侍燕端門

月上九門開星河繞露臺君方枕中夢我亦化人來
老動仙毬絕香餘步輦回相從穿萬馬衰病若為陪

王鄭州挽詞克臣

羨君華髮起琳宮右輔初還鼓角雄千里農桑歌子
產一時冠蓋慕蕭嵩那知聚散春糧外便有悲歡過
際中京兆同僚幾人在猶思對案筆生風子為開封人與子難同

書王定國所藏王晉卿書著色山二首

白髮四老人何曾在商顏煩君紙上影照我胸中山
山中亦何有木老土石頑正賴天日光澗谷紛爛斑
我心空無物斯文定何間君看古井水萬象自往還
君歸嶺北初逢雪我亦江南五見春寄語風流王武
子二人俱是識山人

送呂昌朝知嘉州

不羨三刀夢蜀都聊將八詠繼東吳卧看古佛凌雲
閣勅賜詩人明月湖得句會應緣竹鶴思歸寧復為
羶糲橫空好在脩眉色頭白猶堪乞左符

次韻黃魯直寄題郭明父府推賴州西齋
二首

樹頭啄木常疑客客去而嗅定不然脫轄已應生井
沫解衣聊復起庖煙平生詩酒真相行此去文書恐
獨賢早晚西湖映華髮小舟翻動水中天
寂寞東京月旦州德星無復綴珠旒莫嗟平輿空糟
物尚有西齋接勝流春夢屢尋湖十頃家書新報穉
千頭雪堂亦有思歸曲為謝平生馬少游與音預

東坡集卷第十七

東坡集卷第十八

詩一百一十五首

次韻秦少章和錢蒙仲

碧畦黃隴稻如京
歲美人和易得情
鑑裏移舟天外
思地中鳴角古來聲
山圍故國城空在
潮打西陵意未平
二子有如雙白鷺
隔江相照雪衣明

次韻錢越州

髯尹超然定逸群
南遊端爲訪雲門
謫仙歸侍玉皇
案老鶴來乘刺史轡
已覺簿書衰老子
故知筮筮並有
司存年來齒頰生
荆棘習氣因君又一言

同秦仲二子雨中游寶山

平明已報百吏散半日來陪二子閑立鵲低昂煙雨裏行人出沒樹林間

去杭十五年復游西湖用歐陽察判韻

我識南屏金鯽魚重來拊檻散齋餘還從舊社得心印似省前生覓手書葑合平湖久蕪漫人經豐歲尚凋疎誰憐寂寞高常侍老去狂歌憶孟諸

與莫同年雨中飲湖上

到處相逢是偶然夢中相對各華顛還來一醉西湖雨不見跳珠十五年

送子由使契丹

雲海相望寄此身那因遠適更沾巾不辭駟騎凌風雪要使天驕識鳳麟沙漠回看清禁月湖山應夢武林春單于若問君家世莫道中朝第一人

次韻荅劉景文左藏

我老詩壇仆鼓旗借君佳句發良時但空賀監杯中物莫示孫郎帳下兒夜燭催詩金燼落秋芳壓帽露華滋故應好語如爬癢有味難名只有知

座上復借韻送岢嵐軍通判葉朝奉

雲間踏白看纏旗莫忘西湖把酒時夢裏吳山連越

驚樽前羌婦雜胡兒夕烽過後人初醉春鴈來時雪
未滋為問從軍真樂否書來粗遣故人知

軾始於文登海上得白石數升如芡實可
作枕聞梅丈嗜石故以遺其子子明學士
子明有詩次其韻

海隅荒怪有誰珍零落珊瑚泣季倫法供坐令微物
重軾舊有怪石供色難歸致孝心純只疑薏苡來交趾未信
寶珠出泗濱願子聚為江夏枕不勞麾扇自寧親

次韻錢越州見寄

莫將牛弩射羊群卧治何妨晝掩門稍喜使君無疾

爾時因送客見車輻搔頭白髮秋無數閉眼丹田夜
自存欲息波瀾頃引去吾儕豈獨坐多言

文登蓬萊閣下石壁千丈為海浪所戰
有碎裂洶灑歲久皆圜熟可愛土人謂此
彈子渦也取數百枚以養石菖蒲且作詩
遺垂慈堂老人

蓬萊海上峯玉立色不改孤根捍滔天雲骨有破碎
陽侯殺廉角陰火發光采纍纍彈丸間瑣細或珠玑
關浮一漚耳真妄果安在我持此石歸袖中有東海
垂慈老人眼俯仰了大塊置之盆盎中日與山海對

明年菖蒲根連絡不可解儻有蟠桃生日莫猶可待

次韻毛滂法曹感雨詩

江南佳公子遺我錦繡端攬之溫如春公子焉得寒
興雨自有時膚寸便濛濛歛藏以自潤牛斗何足干
空庭月與影強結三友歡我豈不足歎要此清團團
所歡在一醉常恐樽中乾捨酒尚可樂明珠如彈丸
但恐下仞雀忽忽發虛彈迨了閑暇時種子田中丹
一朝涉世故空腹容欺謾我項在東坡秋菊為夕餐
未愧坡間人布褐為我完雪堂初覆瓦上簷無下荒
時時亦設客每醉筒輒彈一笑便傾倒五年得輕安

公子豈我徒衣鉢傳一單定非郊與島筆勢江河寬
悲吟古寺中穿帷雪漫漫他年記此味羊火對懶錢

送鄧宗古還鄉

廣漢有姜子孝弟行里問赤眉雖豺虎弛兵過其墟
至今空清泉無復雙鯉魚南鄭有李邵得妙甘公書
夜坐指流星驚倒兩使車抱關不肯仕布褐蒙璠璣
西南固多士君得二子餘凜凜忠文公搜士及樵漁
澗谿有幽討嶺並有真嘉蔬歲晚終不食心惻當何如
冬寒上人初得智果院會者十六人分韻

賦詩轉得心字

張水返借壑飛雲思故岑念君忘家客亦有懷歸心
三間得幽寂數步藏清深攢金盧橋焉散火揚梅林
茶筍盡禪味松杉真法音雲崖有淺井土醴常半尋
遂名參象泉可灌幽人襟相攜橫嶺上未覺衰年侵
一眼吞江湖萬象涵古今願君更小築歲晚解我簪
哭王子立次兒子追韻二首

彭城初識子照眼白而長異夢成先兆予為密州子立未嘗相識忽告

同舍生曰吾去學為密州何清言得未嘗豈惟知禮意

已而果以子由之子妻之遂欲補詩亡而有禮幸吐吐真相逼諸生取鴈行

非無伯鸞志獨有子雲悲恨子非天合猶能使我思

兒曹莫淒慟老眼欲枯萎會哭皆豪傑誰為感禮意

子立與黃魯直張文潛晁無咎秦少游陳無已皆友善

龍困嘗魚服羊僕或虎蒙忽忽成鬼錄憤憤到天公

偶落藩牆上同游羿殼中回看十年事黃葉卷秋風

異鵲 并叙

熙寧中柯侯仲常通守漳州以救飢得民有二鵲栖

其廳事訖侯之去鵲亦送之漳人異焉為賦此詩

昔我先君子仁孝行於家家有五畝園公鳳集桐花

是時烏與鵲巢殼可俯拏憶我與諸兒飼食觀群呀

里人驚瑞異野老笑而嗟云此方乳哺甚畏為與蛇

手足之所及二物不敢加主人若可信衆鳥不我遐
故知中孚化可及魚與豕柯侯古循吏悃悃真無華
臨漳所全活數等江干沙仁心格異族兩鵲栖其衙
但恨不能言相對空楂楂善惡以類應古語良非夸
君看彼酷吏所至號鬼車

次韻詹適宣德小飲巽亭

君方夢謫仙來詩記辨我亦弔文園江上同三黜天

涯又一樽濤雷殷白晝梅雪耿黃昏歸去多情雨應

隨御史軒詹爲御史主簿

東川清絲寄魯冀州戲贈

清絲清如冰上有千歲交枝藤藤生谷底飽風

雪歲晚忽作龍蛇升嗟我雖爲老侍從骨寒只愛布

與繒床頭錦衾未還客坐覺芒刺在背膺豈如髯鄉

晚乃貴福祿正似川方增醉中倒着紫綺裘下有業

臂出縹綾封題不敢妄裁翦刀尺自有佳人能造知

千騎出清曉積雪未放游塵興白頭紅帶柳絲下老

弱空巷人相登但放奇紋出頰袖吾髯雖老無人憎

怡然以垂雲新茶見餉報以大龍團仍戲

作小詩

銀供來香積珍烹具太官揀芽分雀舌賜茗出龍團

曉日雲庵暖春風浴殿寒聊將試道眼莫作兩般看

次韻王忠玉遊虎丘絕句三首

當年太白此相浮老守娛賓得二丘郡人有問丘公太守王規父嘗云不

請虎丘即謂問丘見忠玉伯父也白髮重來故人盡空餘叢桂小山幽

青蓋紅旗映玉山新詩小草落玄泉風流使者八爭

看知有負娘立道邊虎丘中路負娘墓

舞衣歌扇轉頭空只有青山杳靄中莫共吳王鬪百

尊使君未敢借驚鴻

寄蔡子華

故人送我東來時手栽荔子待君歸荔子已丹吾髮

白猶作江南未歸客江南春盡冰如天腸斷西湖春

水船想見青衣江畔路白魚紫筍不論錢霜鬢二老

如霜檜舊交零落今誰輩莫從唐舉問封侯但遣麻

姑更爬背

和錢四寄其弟蘇

再見濤頭涌王輪煩君久駐浙江春年來揔作維摩

病堪笑東西二老人

卧病彌月聞垂雲花開順閣黎以詩見招

次韻答之

看人心似水不礙照花妍燕坐春強半清陰月屢遷

平生無起滅一念有陳鮮弱弱風枝舉離離日暮蒼
病吟終少味老醉不成顛何必遨頭出湖中有散仙

故周茂叔先生濂谿谿谿在廬

世俗眩名實至人疑有無怒移水中蟹愛及屋上烏
坐令此溪水名與先生俱先生本全德廉退乃一隅
因拋彭澤米偶似西山夫遂即世所知以為溪之呼
先生豈我輩造物乃其徒應同柳州柳聊使愚溪愚

次韻子由使契丹至涿州見寄四首

老人癡鈍已逃寒子復辭行理亦難要到盧龍看古

墨投文易水弔燕丹余昔年辭免使北

朝羊代馬得安眠窮髮之南共一天又見子卿持漢

節遙知遺老泣山前

擅纜年來亦甚都時時鳩舌問三蘇與予由入京使已問所

余雜件北使那知老病渾無用欲問君王乞鏡湖

始憶庚寅降屈原旋看蠟鳳戲僧虔隨翁萬里心如

鉄此子何勞為買田時猶行

雪後便欲與同僚尋春一病彌月雜花都

盡獨牡丹在耳劉景文左藏和順閣黎詩

見贈次韻答之

殘花怨夕病剝雨泣餘妍不見雙旌出空令九陌遷

開國市知君苦寂寞妙語嚼芳鮮淺紫從爭餐浮紅
非肯入狂早焉天葩尚青萼國色待華顛載酒邀詩將臞儒
不是仙

次韻劉景文周次元寒食同游西湖

絮飛春減不成年老境同乘下瀨船藍雨忽驚新火

後樂天寒食詩云三盃藍尾酒一碟膠牙錫遨頭要及浣花前成都太守自正月二日也

游至四月十九日浣花乃止山西老將詩無敵洛下書生語更妍

共向北山尋二士畫橈鼉鼓聒清眠

連日與王忠玉張全翁游西湖訪北山清

順道潛二詩僧登垂雲亭飲參寥泉最後

過唐州陳使君夜飲忠玉有詩次韻答之

北山非自高千仞付我足西湖亦何有萬象生我目

雲深人在塢風靜響應谷與君皆無心信步行看竹

竹間逢詩鳴眼色奪湖淥百篇成俯仰二老相追逐

故應千頃池養此一雙鷓鴣山高路已斷亭小膝屢促

夜尋三尺井渴飲半甌玉明朝鬧絲管寒食雜歌哭

使君坐無聊狂客來不速載酒有鷓夷扣門非啄木

浮蛆灑金盃翠羽出華屋須臾便陳迹覺夢那可續

及君未渡江過我勤秉燭一笑換人爵百年終鬼錄

新茶送鯊判程朝奉以餽其母有詩相謝

次韻答之

縫衣付與漂陽尉捨肉懷歸顓谷封聞道平反供一
笑會須難老待千鍾火前試焙分新跨雲裏頭網輟
賜龍從此升堂是尤第一既林下記相逢

次韻送張山人歸彭城

羨君飄蕩一虛舟來作錢唐十日游水洗禪心都根
淨山供詩筆揔眉愁雪中乘興真聊爾春盡思歸却
罷休何日五湖從范蠡種魚萬尾橘千頭

次韻林子中王彥祖唱驪

果知身寄一漚中晚節尤驚落木風近聞羊老公撰
皆逝故有此句

邪事已論三世事歲寒猶喜五人同

執與子中
敦完夫同

寺人景德兩餘北固山圍座春盡西湖水映空差勝

四明狂監在更將老眼犯塵紅

壽星院寒碧軒

清風肅肅搖窓扉窓前脩竹一尺圍紛紛蒼雪落夏
簾冉冉綠霧霑人衣日高山蟬抱葉響人靜翠羽穿
林飛道人絕粒對寒碧為問鶴骨何緣肥

書劉景文所藏王子敬帖絕句

家雞野鷲同登俎春蚓秋蛇揔入奩君家兩行十二
字氣壓鄴侯三萬籤

書劉景文所藏宗少文一筆畫

宛轉回紋錦繁盈連理花何須郭忠恕匹素畫繡車

真覺院有洛花花時不暇往四月十八日

與劉景文同往賞枇杷

綠暗初迎夏紅殘不及春魏花非老伴盧橘是鄉人

井落依山盡巖崖發興新歲寒君記取松雪看蒼鱗

又和劉景文韻

牡丹松檜一時裁付與春風自在開試問壁間題字

客幾人不為看花來

西湖壽星院此君軒

耳聽謾謾碎龍鱗俯看蒼蒼立玉身一舸鷓夷法漢

去尚餘君子六千人

仲天既王元有自眉山來見余錢塘留半

歲既行作絕句五首送之

仲君豈弟多學王子清脩寡言病後空驚鶴瘦時來

或作鵬騫

海角煩君遠訪江源與我同來剗作數詩相送莫教

萬里空回

三人一旦同行二子與秦少章同寓高齊復同舟北行留下高齋月明

遙想扁舟京口尚餘孤枕潮聲

更欲留君久住念君去國彌年空使犀顛玉頰長懷
鬢鬢悽然

為予遠致慇懃瑞草橋邊老人紅帶雅宜華髮白醪

光泛新春老人王慶源也

贈善相程傑

心博異學不謀身自要清時閱措紳火色上騰雖有
數急流勇退豈無人書中苦覓元非訣醉裏微言却
近真我似樂天君記取華顛賞遍洛陽春

次韻林子中蒜山亭見寄

寄遠多聞老敬通何人慷慨解憐翁十年簿領催衰

日一笑江山發醉紅聞道賦詩臨北固未應舉扇

西風叩頭莫喚無家客歸掃岷峩一畝宮

再和并答揚次公

盧海上妙高峯二老遙知說此翁聊復艤舟尋紫
翠未妨持節散陳紅高懷却有雲門興好句真傳空
響風唱我三人無譜曲馮夷亦合舞幽宮

次韻劉景文送錢蒙仲三首

誰識天閑老驥不爭日暮長途送盡青雲九子歸去

扁舟五湖

寄語竹林社友同書桂籍天倫三郎獨為鬼錄世間

無此玉人
五字古原春草千金漢殿長門經緯尚餘三策典利
留與諸孫

菩提寺南漪堂杜鵑花

南漪杜鵑天下無披香殿上紅氍毹鶴林兵火真一
亭不歸閑苑歸西湖

題楊次公春蘭

春蘭如美人不採羞自獻時聞風露香蓬艾深不見
丹青寫真色欲補離騷傳對之如靈均冠佩不敢燕
題楊次公蕙

意奉蘭之族依然臭味同曾爲水仙佩相識楚詞中
幻色雖非實真香亦竟空云何起微馥鼻觀已先通
次韻曹輔寄壑源試焙新芽

仙山靈雨濕行雲洗遍香肌粉未勻明月來投玉川
子清風吹破武林春要知玉雪心腸好不是膏油首
面新戲作小詩君一笑從來佳茗似佳人

次韻袁公濟謝芎椒詩

燥吻時時著酒濡要令卧疾致文殊河魚潰腹空號
楚汗水流散始信吳吳真君服椒法云自笑方求三
歲艾不如長作獨眠夫羨君清瘦真仙骨更助飄飄

鶴背軀

次韻和楊次公惠徑山龍井水龍井水病眼有
漏盡雞號厭夜行年來小器溢餅罌弃官縱未歸東
海罷郡猶堪作水衡幻色將空眼先暗勝游無礙脚
殊輕空煩遠致龍淵水寧復臨池似伯英

次韻劉景文登介亭

澤國梅雨餘衰年困烝溽高堂磨新塼頗覺利耆足
松根百尺井兩綆飛淨淥流觴聚兒童一笑為捧腹
清風信可馭剛氣在巖麓始知共此世物外無三伏
我歌入雲去不待絃管逐西湖真西子煙樹點眉目

濤江少醞藉高浪翻雪屋僂仰拊四海百世飛為蓬
遠追錢氏餘近弟祖侯躅吾生如寄耳寸晷輕尺璧
誰似劉將軍逸韻謝邊幅千言一揮手五車不再讀
春巖彩雞舞日峽哀猿哭朝先啼鳩起莫與寒蠶續
我老廢吟哦頰君時擊觸從今事遠覽發軔此幽奉
清游得三昧至樂謝五欲莫作狂道士氣壓劉師服
表公濟和劉景文登介亭詩復次韻卷之二
昏昏墮醉夢奈此六月溽君詩如清風吹我朝睡足
登臨得佳句江白照湖淥袖手獨不言默藁已在腹
是時風雨過藹藹雲歸麓星帶微月金火爭見伏

惜哉此清景變滅不可逐歸來讀君詩耿耿猶在目
却思少年日聲價爭場屋文如翻水成賦作又手速
秋風起鴻鴈我亦繼華躅那知君蹭蹬獨泣荆山玉
相見南新道青衫垂破幅早知事大繆恨不十年讀
莫嫌馮唐老終勝賈誼哭今年復爲僚舊好許重續
升沈何足道等是蚩與觸共爲湖山主出入窮澗谷
衆馳君不爭人弃我所欲何時神武門相約挂冠服

介亭餞楊傑次公

籃輿西出登山門嘉與我友尋山村丹青明滅風篁
嶺環珮空響桃花源即人謂介亭山前朝欲上已蟻

下爲桃源路

暮黑雲白雨如傾盆今晨積霧卷千巖豈畏觸熱生
病根在家頭陀無爲子久與青山爲弟兄孤峯書處
亦何有西湖鏡天江抹坤臨高麾手謝好佳清風萬
壑傳其言風回響蒼君聽取我亦到處隨君軒

次京師韻送表弟程懿叔赴夔州運判

與子甥舅氏推顏各蒼顏並爲東諸侯長此佳江山
寒松無時花安得挿髻髮惟將老不死一笑榮枯間
我甚似樂天但無素與蚩桂冠及未耄當獲一紀閑
子亦拙進取才高命堅頑譬如萬斛舟行此九折灣
仲氏新得道一漚自塵寰君之兄德孺自言歲晚家

近於佛法有得

歲晚家

東坡集卷之二十八
知路莫遣生榛管

葉教授和厚字韻詩復次韻為戲記龍井之游

先生魯諸儒飲食清不溲空腸出秀句吟嚼五噎足
華堂鬧絲管眸子漲春綠先生疾走避面冷毒在腹
歸來煮瓠葉弟子歌旱麓聲淫及靈臺中有麀老伏
功名一走兔何用于人逐故應容我輩清座詩閉目
高亭石排衙木抄挂飛屋我来無時節客亦不待速
似聞雪髯叟西嶺訪遺躅朝陽入潭洞金碧涵水玉
寒潭夜不扁雲袂本無幅慈皇付寶榻神侶得幽語

詩庵有老人宴坐天魔哭時來獻纓絡法供燈相續
吾儕詩酒汗欲往無乃觸齋厨費晨炊車騎滿山谷
願聞第一義鉢飯非所欲便投切雲冠予幼好奇服
次韻林子中見寄

飄零洛社數遺民詩酒當年困惡賓元亮本無適俗
韻孝章要是有人蒜山小隱雖為客江水西來亦
帶岷卷却西湖千頃綠笑看魚尾更莘莘

安州老人食蜜歌 贈僧仲殊

安州老人心似鉄老人心肝小兒舌不食五穀惟食
蜜笑指蜜蜂作檀越蜜中有詩人不知千花百草爭

含姿老人咀嚼時一吐還引世間癡小兒小兒得詩
如得蜜蜜中有藥治平百疾正當狂走捉風時一笑
看詩百憂失東坡先生取人廉幾人相歡幾人嫌恰
似飲茶甘苦雜不如食蜜中邊甜佛云吾言譬言如因
君寄與雙龍餅鏡空一照雙龍影三吳六月水如湯
老人心似雙龍井

次韻錢穆父紫薇花二首

虛白堂前合抱花秋風落日照橫斜
閱人此地知多少物化無涯生有涯虛白堂前紫薇兩
株俗云樂天所種

拆得芳蕤兩眼花題詩相報字傾斜
篋中尚有絲綸

坐覺天光照海涯

樂天詩云絲綸閣下
黃昏

作紫薇花對紫薇
上常書此詩以賜

送張嘉州

少年不願萬戶侯亦不願識韓荆州
頗願身爲漢嘉守載酒時作凌雲遊
虛名無用今白首夢中却到龍泓口
浮雲軒冕何足言惟有江山難入手
我眉山月半輪秋影入平羌
江水流謫仙此語誰解道請君見
月時登樓笑談萬事真何有一時付
與東巖酒佛家

次韻蘇伯固主簿重九

雲間朱袖拂雲和知是長松挂女蘿髻重不嫌黃菊
滿手香新喜綠橙搓墨翻衫袖吾方醉紙落雲煙子
惠多只有黃雞與白髮玲瓏應識使君歌

送李陶通直赴清溪

忠文文正二大老

司馬溫公范蜀

蘇李廣平三舍人

蘇子容宋次道與先公才元熙寧中

還李定詞頭天下謂之三舍人

喜見通家賢子弟

自言得邑少風塵從來勢利關心薄此去溪山琢句
新肯向西湖留數月錢塘初識小麒麟

次韻楊公濟奉議梅花十首

猶惜春色弄微和作意南枝翦刻多月黑林間逢
編

秋霜陵醉尉誤誰何

相逢月下是瑤臺藉草清樽運夜開明日酒醒應
地空令飢鶴啄莓苔

綠髮尋春湖畔回萬松嶺上一枝開而今縱老霜根
在得見劉郎又獨來

月地雲堦漫一樽玉奴終不負東昏臨春結綺荒荆
棘誰信幽香是返魂

日出冰湖散水花野梅官柳漸欹斜西郊欲就詩人
飲黃四娘東子美家

君知早落坐先開莫著新詩句句催嶺北霜枝最多

思忍寒留待使君來

冰盤未薦冷酸子雪嶺先看耐凍枝應笑春風木芍藥豐肌弱骨要人醫

寒雀喧喧凍不飛遶林空啅未開枝多情好與風流伴不到雙雙燕語時

蛟綃翦碎玉簪輕檀暈粧成雪月明肯伴老人春一醉懸知欲落更多情

縞裘練袂玉川家肝膽清新冷不邪穠李爭春猶辨此更教踏雪看梅花

贈劉景文

青蓋已無擎兩蓋菊殘猶有傲霜枝一年好處君須記最是橙黃橘綠時

謝閑景仁送紅梅栽二首

年年芳信負紅梅江畔垂垂又欲開珍重多情閑令尹直和根撥送春來

為君栽向南堂下記取他年著子時酸醜不堪調衆口使君風味好攢眉

辯才老師退居龍井不復出入軼往見之

常出至風篁嶺左右驚曰遠公復過虎溪

矣辯朱笑曰杜子美不云乎與子成二老

東坡集卷之十九
十九
來往亦風流因作亭嶺上名之曰過溪亦
曰二老謹次辯才韻賦詩一首

日月轉雙轂古今同一丘惟此鶴骨老凜然不知秋
去住兩無礙人大爭挽留去如龍出山雷雨卷潭秋
來如珠還浦魚鼈爭駢頭此生暫寄寓常恐名實浮
我比陶令愧師爲遠公優送我還過溪溪水當逆流
聊使此山人永記二老遊大千在掌握寧有離別憂
送程之邵簽判赴闕

夜光不自獻天驥良難知從來一狐腋或出五羖皮
賢哉江東守收此幕中奇無華豈易識旣得不自隨

曹君望此府助我憐其衰二年促膝語一旦長挹
赫濠伏猛在岸改潛珍移去此當安從失君徒自悲
念君瑚璉質當今臺閣宜去矣會有合豈常懷其私
寄題梅宣義園亭

仙人子真後還隱吳市門不惜十年力治此五畝園
初期橘爲奴漸見桐有孫清池壓丘虎巽石來湖電
敲門無貴賤遂性各琴尊我本放浪人家寄西南坤
散廬雖尚在小圃誰當樊羨君欲歸去奈此未報恩
愛予幸僚友又憂疑弟昆明年過君西飲我空餅釜
熙寧中軾通守此郡除夜直都廳囚繫皆

滿日莫不得返舍因題一詩于壁今二十
年矣衰病之餘復忝郡寄再經除夜庭事
蕭然三閭皆空蓋同僚之力非拙朽所致
因和前篇呈公濟子侔二通守

前詩

除日當早歸官事乃見留執筆對之泣哀此繫中囚
小人營餽糧墮網不知羞我亦恋薄祿因循失歸休
不須論賢愚均是為食謀誰能暫縱遣悶默愧前修

今和

山川不改舊歲月逝肯留百年一俯仰五勝更平玉囚

同僚比岑范德業前人羞坐令老鈍守孺諾獲少休
却思二十年出處非人謀齒髮付天公缺壞不可修
遊寶雲寺得唐彥猷為杭州日送客舟中
手書一絕句云山雨霏微不滿空畫船來
往疾輕鴻誰知獨卧朱簾裏一榻無塵四
面風明日送彥猷之子垌赴鄂州舟中遇
微雨感歎前事因和其韻作兩首送之且

歸其書唐氏

三妙凋零筆法空忽驚雲海戲群鴻清詩不敢私囊
篋人道黃門有父風黃門衛

出處榮枯一笑空十年社燕與秋鴻誰知白首長河
路還此當得送客風

送江公著知吉州

三吳行盡千山水猶道桐廬更清美豈惟濁世隱狂
奴時平一出佳公子初冠惠文讀城旦晚入奉常陪
劍履方將華省起彈冠忽憶釣臺歸洗耳未應良木
弃大匠要使名駒試千里奉親官舍當有擇得邵江
南差可喜白粲連檣一萬艘紅粧執樂三千指簿書
期會得餘閑亦念人生行樂耳

二耳義不同故得重用

聞錢道士與越守穆父飲酒送三壺

龍根爲脯玉爲漿下界寒醅亦漫嘗一紙鶴經逸少
醉他年鵬賦謫仙狂金丹自足留衰鬢半淚何須點
別腸吳越舊邦遺澤在定應符竹付諸郎

次韻劉景文路分上元

華燈閨艱歲冷月掛空府三吳重時節九陌自歌舞
云從月幾望遂至一百五嘉辰可屈指樂事相繼武
今宵掃雲陣極目淨天宇嬉遊各忘歸闐咽頃未覩
飛毬互明滅激水相吞吐老去及兒童歸來尚饒鼓
新年消暗雪舊歲添絲縷何時九江城相對兩漁父

予舊欲卜居廬山
景文近買宅江州

東坡集卷之十一
再和楊公濟梅花十絕

一枝風物便清和，看盡千林未覺多。
結習已空從著袂，不須天女問云何。

天教桃李作輿臺，故遣寒梅第一開。
憑仗幽人收艾納，國香和雨合青苔。

白髮思家萬里回，小軒臨水爲花開。
故應剽作詩千首，知是多情得得來。

人去殘英滿酒樽，不堪細雨滋黃昏。
夜寒那得穿花蝶，知是風流楚客魂。

春入西湖到處花，裙腰芳草抱山斜。
盈盈解佩臨煙

浦脉脉當壚傍酒家

莫道霜晨怨未開，白頭朝夕自相催。
斬新一朶含風

露恰似西廂待月來

洗盡鉛華見雪肌，要將真色鬪生枝。
檀心已作龍涎

吐玉頰何勞獺髓醫

湖面初驚片片飛，尊前吹折最繁枝。
何人會得春風

意怕見梅黃雨細時

長恨漫天柳絮輕，只將飛舞占清明。
寒梅似與春相

避未解無私造物情

北客南來豈是家，醉看參月半橫斜。
他年欲識吳姬

面秉燭三更對此花

與葉淳老侯敦夫張秉道同相視新河秉

道有詩次韻二首

君不見元帥府前羅萬戟
濤頭未順千弩射至今
鳳皇山下路長借一箭
開兩翼我鑿西湖還舊觀
一眼已盡西南碧
又將回奪浮山險
千艘夜下無南北
坐陳三策本人謀
惟留一諾待我畫
老病思歸真暫寓
功名如幻終何得
從來自笑畫蛇足
此事何殊食雞肋
憐君嗜好更迂闊
得我新詩喜折屐
江湖粗了我徑歸
餘事後米當潤色
一庵閑卧洞霄宮
井有丹沙

水長赤

荆溪父老愁三害
下斬長蛟本無賴
平生倔强韓退之
文字猶爲鰐魚戒
石門之役萬金耳
首鼠不爲善已隘
江湖開塞古有數
兩鵠飛來告成壞
勸農使者非常人
一言已破黎民駭
上饒使君更超逸
坐觀溪山如累塊
髯張乃我結襪生
詩酒淋漓出狂怪
我作水衡生作丞
他日歸朝同此拜

櫻筍并叙

櫻筍狀如魚剖之得魚子
味如苦筍而加其芳
蜀人以饌佛僧甚貴之
而南方不知也
筍生膚毳中蓋花

之方孚者正二月間可剝取過此苦澀不可食矣取
之無害於木而宜於飲食法當蒸熟所施略與筍同
蜜煮酢浸可致千里外今以餉殊長老

贈君木魚三百尾中有飛黃子魚子夜叉割瘻欲分
其籜龍藏頭敢言美願隨蔬果得自用勿使山林空
老死問君何事食木魚豈不能鳴固其理

次韻曹子方龍山真覺院瑞香花

幽香結淺紫來自孤雲岑骨香不自知色淺意殊深
移栽青蓮宇遂冠蒼荀林紉爲楚臣佩散落天女襟
君持風霜節耳冷歌笑音一逢蘭蕙質稍回鉄石心

置酒要妍暖養花須晏陰及此陰暗間恐致慳
緜雲知易散鷓鴣憂先吟明朝便陳迹試著丹青臨

次韻曹子方運判雪中同遊西湖

詞源灑灑波頭展清唱一聲巖谷滿春容雪積句先
高豈獨湖開心自遠雲山已作歌眉淺山下碧流清
似眼尊前侑酒只新詩何異書魚餐蠹簡

次韻仲殊雪中游西湖二首

夜半幽夢覺稍聞竹葦聲起續凍折絃爲鼓一再行
曲終天自明玉樓已崢嶸有懷二三子落筆先飛雲
共爲竹林會身與孤鴻輕秀語出寒餓身窮詩乃事

禪老復何爲笑指孤煙生我獨念繁者誰與予目成
寶雲樓閣開千門林靜初無一鳥喧閉戶莫教風掃
地卷簾疑有月臨軒水光瀲灩猶浮碧山色空濛已
歛昏乞得湯休奇絕句始知鹽絮是陳言

次韻參寥同前

朝來處處白氈鋪樓閣山川盡一如惚是爛銀并白
玉不知奇貨有誰居

送小本禪師赴法雲

高形天宇間出處會有後澹然都無營百年何由畢
山林等真急軒冕亦戲劇我未即歸休師寧便安逸

王城滿豪傑議論紛黑白聖諦第一義對面誰不識
師來亦何事孤月挂空碧是身如浮雲安可限南北
出岫本無心旣雨歸亦得珠泉有舊約何年挂鉗錫
書渾令公燕魚朝恩圖

咸寧英氣似汾陽夜飲軍容出紅粧不須纏頭萬匹
錦知卿未辦作呂強

東坡集卷第十八

此處為正文內容，因圖像模糊，文字難以辨認。可見其為一列列的垂直文字。



